



# JORNAL

## do

# Parlamento Nacional

VI. LEGISLATURA

1.ª SESSÃO LEGISLATIVA (2023-2028)

## REUNIÃO PLENÁRIA DE 29 DE AGOSTO DE 2023

**Presidente:** Ex.<sup>ma</sup> Sr.<sup>a</sup> Maria Terezinha da Silva Viegas

**Vice-Presidentes:** Ex.<sup>mo</sup> Sr. Alexandrino Afonso Nunes

**Secretária:** Ex.<sup>ma</sup>

**Vice-Secretárias:** Ex.<sup>ma</sup> Sr.<sup>a</sup> Maria Teresa da Silva Gusmão

## SUMÁRIO

Sr.<sup>a</sup> Presidente declara aberta sessão plenária ne'e iha tuku 9 liu minuto 14 no halo leitura ba agenda serbisu loron ne'e nian.

### **Antes Ordem do Dia –**

Leitura pedido de justificação de falta Sr. Deputado Dário Madeira (FRETILIN) nian.

Tuirmai maka discussão no votação ba «Voto de congratulação sobre a reeleição de Zacarias Albano da Costa

como Secretário Executivo da CPLP» no ba «Voto de condenação pela expulsão de um diplomata timorense e de solidariedade com o povo de Myanmar».

Iha intervenção oin-oin Deputado sira ko'alia kona-ba: ahi eletricidade ne'ebé lakan mate iha cidade Dili no iha parte balu iha território; controvérsia kona-ba construção estrada troço Venilale bá Viqueque husi empresa local ida; sasán folin ne'ebé continua sa'e iha mercado maski taxa importação nian reduz ona; problema trânsito nian iha cidade Dili no mós

infração contra regras trânsito nian; qualidade husi escola CAFE sira; gaveta secretária Deputado sira-nian; necessidade atu Parlamento Nacional opta ona ba formato digital em vez de impresso iha distribuição documento ba Deputado sira; ponto de situação kona-ba *Air Service Agreement* ho Governo China nian; distância ne'ebé besik liu entre estação combustível ETO nian ho edifício BNCTL nian iha Mandarin; mate-ruin herói balun nian iha HNGV ne'ebé seidauk identificado loloos; atividade negócio ki'ik nian ne'ebé cidadão estrangeiro maka domina; intervenção husi parte segurança nian ba violência iha Dili laran no plano Governo nian atu suspende filafali atividade organização arte marcial no arte ritual sira-nian; atuação husi Secretário de Estado da Toponímia e Ordenamento do Território hasoru vendedor ambulante sira; agressão física hasoru jovem portador deficiência ho naran Mausale; dificuldade iha acesso ba sala internamento VIP nian iha HNGV; qualidade husi bee ne'ebé comunidade iha Dili laran consome; cidadão chinês sira-ne'ebé halo uma iha estrada ibun; estrada koak balu ne'ebé taka fali ho cimento; construção postu UPF nian iha fatin balu iha fronteira, ne'ebé abandonado; Lei Investimento nian ne'ebé loke dalan luan demais ba negociante estrangeiro sira; comemoração loron Referendo nian, 30 de Agosto.

#### **Ordem do Dia –**

Discussão no votação ba «Projeto de Resolução n.º 4/VI(1ª) – Deslocação do Presidente da República a Havana entre 12 e 16 de setembro de 2023» no «Projeto de Resolução n.º 5/VI(1.ª) - Deslocação do Presidente da República a Nova Iorque entre 17 e 24 de setembro de 2023», iha-ne'ebé projeto de resolução rua ne'e hetan aprovação.

Tuirfalimai maka «Votação do pedido de autorização para a Senhora Deputada Maria Fernanda Lay prestar declarações na qualidade de testemunha em processo judicial em processo judicial». Votação ne'e hala'o liuhusi escrutínio secreto nominal no hetan mós aprovação.

Ikusliu mak «Eleição de um membro para a Comissão da Função Pública»

Sr. Deputado no Sr.ª Deputada sira-ne'ebé halo intervenção iha sessão plenária ne'e maka: António Verdial de Sousa (KHUNTO), Lídia Norberta dos Santos Martins (FRETILIN), Olinda Guterres (KHUNTO), Gabriel Soares (CNRT), Helena Martins (FRETILIN), Marcos Soares Martins

(CNRT), Sancha Margarida Tilman (PD), Duarte Nunes (CNRT), David Dias Ximenes «Mandati» (FRETILIN), Maria Angelina Lopes Sarmento (PLP), Joaquim dos Santos «Boraluli» (FRETILIN), Romeu Moisés (CNRT), Aniceto Longuinhos Guterres Lopes (FRETILIN), Veneranda Lemos Martins (CNRT), Natalino dos Santos Nascimento (CNRT), Patrocínio Fernandes dos Reis (CNRT), Dário Madeira (FRETILIN), Cedelízia Faria dos Santos (CNRT), José Virgílio R. Ferreira no Marcos Soares Martins (CNRT), António Moniz Calau (FRETILIN), Luís Roberto (KHUNTO), Mariquita Soares (FRETILIN), Antoninho Bianco (FRETILIN).

*Sr.ª Presidente declara taka sessão plenária ne'e iha tuku 3 liu minuto 36 loraik.*

Sr.<sup>a</sup> **Presidente** (Maria Terezinha da Silva Viegas): — Bom dia ba distinto Deputado sira hotu. Ha'u husu ho devido respeito atu hola fatin, tanba ita atrasa tiha ona 14 minutos.

*Horas hatudu tuku 9 liu minuto 14.*

ba distinto Deputado sira hotu, ba mídia ne'ebé acompanha no mós ba alin sira-ne'ebé acompanha Plenária ida-ne'e, ita iha ona quórum de funcionamento, ho nune'e ha'u loke ona ita-nia reunião plenária de terça-feira, 29 de agosto de 2023.

Agenda versão atualizada:

«Abertura às 9h00...», embora já estamos às 9h15

«...**Período de Antes da Ordem do Dia**

1. Justificação de falta do Senhor Deputado Dário Madeira;
2. Voto de congratulação sobre a reeleição de Zacarias Albano da Costa como Secretário Executivo da CPLP;
3. Voto de condenação pela expulsão de um diplomata timorense e de solidariedade com o povo de Myanmar;
4. Intervenções diversas dos Senhores Deputados;
5. Intervenção do Sr. Vice-Ministro dos Assuntos Parlamentares sobre questões suscitadas pelos Senhores Deputados.

**Período da Ordem do Dia**

1. Assentimento à deslocação de Sua Excelência o Presidente da República para participar na Cimeira do G77+China, em Havana, Cuba, entre os dias 12 e 16 setembro de 2023;
2. Assentimento à deslocação de Sua Excelência o Presidente da República para participar na 78.<sup>a</sup> Sessão da Assembleia-Geral da Organização das Nações Unidas (ONU), em Nova Iorque, Estados Unidos da América, entre os dias 17 e 24 de setembro de 2023;
3. Votação do pedido de autorização para a Senhora Deputada Maria Fernanda Lay prestar declarações na qualidade de testemunha em processo judicial;
4. Eleição de um membro para a Comissão da Função Pública»

Ho nune'e, ha'u declara aberta ita-nia sessão ba dadeer ohin nian.

Ha'u fó kedas ba Sr.<sup>a</sup> Secretária atu halo leitura ba ponto 1 da Agenda.

Se faz favor, muito obrigada.

Sr.<sup>a</sup> **I Vice-Secretária da Mesa** (Bendita Moniz Magno): — Obrigada, Sr.<sup>a</sup> Presidente em exercício.

«Justificação de falta

Dário Madeira, Deputado ao Parlamento Nacional, da Bancada da FRETILIN, partido político, vem requerer a Vossa Excelência que se digne considerar justificadas as faltas dadas à reunião do Plenário ou da Comissão no dia 14 de agosto por motivo de razão poderosa, o que faz nos termos e para os efeitos previstos nos artigos 8.º n.º 1 alínea b), 2) 3) e 5) n.º 2 da Lei n.º 5/2004, de 5 de maio, Estatuto dos Deputados, e do artigo 10.º n.º 1 alínea i) do Regimento do Parlamento Nacional, publicado no *Jornal da República*, Série I, n.º 40, de 11 de novembro de 2009.

28 de agosto de 2023,

O Deputado,

Dário Madeira»

Obrigada.

Sr.<sup>a</sup> **Presidente** (Maria Terezinha da Silva Viegas): — Obrigada, Sr.<sup>a</sup> Secretária em exercício.

Tuirmai, Agenda n.º 2, texto preparado ona maibé falta de'it Deputado atu subscreve ba voto de congratulação ida-ne'e.

Ha'u husu ba bancada sira, se disponível, atu subscreve ba voto de congratulação ida-ne'e.

Karik Bancada KHUNTO ou bancada ruma bele pronuncia ba projeto Voto Congratulação sobre a reeleição de Zacarias Albano da Costa? Karik bancada ruma bele pronuncia?

ba distinto Deputado sira ha'u husu paciência uitoan hodi organiza Deputados proponentes ba voto rua, ne'ebé ita inclui iha agenda ohin nian.

Ha'u husu desculpa ba distinto Deputado sira hotu ba atraso de quase 15 minutos hodi recolha assinatura ba proposta ou projeto de voto rua, voto de congratulação e um outro, voto de condenação.

Ho nune'e ha'u fó ba Sr.<sup>a</sup> Secretária em exercício atu halo leitura ba Agenda n.º 2.

Se faz favor.

Sr.<sup>a</sup> **I Vice-Secretária da Mesa** (Bendita Moniz Magno): — «Voto n.º 19/VI(1.ª)

De congratulação pela reeleição de Zacarias Albano da Costa como Secretário Executivo da Comunidade dos Países de Língua Portuguesa.

Nascido em Aileu, Zacarias Albano da Costa licenciou-se em Humanísticas pela Faculdade de Filosofia da Universidade Católica Portuguesa em Braga, Portugal, cuja associação académica presidiu entre 1988 e 1991.

Participou na chamada Frente Diplomática contra a ocupação Indonésia e tornou-se, ao lado de individualidades preponderantes como José Ramos Horta, um dos mais importantes representantes da resistência nacional no estrangeiro e dinamizador da causa timorense e da sua luta pela libertação nacional junto das mais variadas organizações e instituições internacionais, onde interveio ativamente.

Com uma prestigiada carreira política, diplomática e de consultoria de alto nível e granjeando respeito e admiração da parte da sociedade timorense e de todos os quadrantes partidários e académicos, Zacarias Albano da Costa exerceu ainda altos cargos públicos em Timor-Leste, nomeadamente de 2007 a 2012, o de Ministro dos Negócios Estrangeiros e Cooperação do IV Governo Constitucional.

Foi eleito como Secretário Executivo da Comunidade dos Países de Língua Portuguesa (CPLP) para o biénio 2021-2023.

Voltou a ser reeleito para o mesmo cargo no passado dia 27 de agosto, por ocasião da 14.ª Conferência de Chefes de Estado e do Governo da CPLP, o que, sendo motivo de regozijo, enche de orgulho todos os seus compatriotas.

Assim, o Parlamento Nacional, reunido em sessão plenária, expressa a sua congratulação e alegria pela reeleição de Zacarias Albano da Costa como Secretário Executivo da Comunidade dos Países de Língua Portuguesa.

Parlamento Nacional, 29 de Agosto de 2023

O Deputado proponente,

Deputado António Verdial de Sousa»

Sr.ª **Presidente** (Maria Terezinha da Silva Viegas): — Obrigado, Sr.ª Secretária

Ha'u fó palavra ba Sr. Deputado António Verdial.

Sr. **António Verdial de Sousa** (KHUNTO): — Muito obrigado, Sr.ª Presidente em exercício.

Distintas e distintos Deputados mak ha'u respeita no rona-na'in povo Timor-Leste mak sintoniza hela atan ha'u lian husi Uma-Fukun ida-ne'e mak ha'u hadomi.

Hanesan ita hotu hatene katak Senhor Dr. Zacarias Albano da Costa é um cidadão timorense, filho de um mestre e catequista quadrada da diocese de Díli.

Foi um dos mais importantes representantes da resistência nacional no estrangeiro e dinamizador da causa timorense e da sua luta pela libertação nacional junto das mais variadas organizações e instituições internacionais, onde interveio ativamente.

Dr. Zacarias Albano da Costa exerceu ainda cargos públicos em Timor-Leste, nomeadamente, de 2007 a 2012 exerceu a função como Ministro dos Negócios Estrangeiros e Cooperação do IV Governo Constitucional.

Dr. Zacarias foi eleito como Secretário Executivo da Comunidade dos Países de Língua Portuguesa para o biênio de 2021 a 2023 no dia 27 de agosto, por ocasião da Conferência dos Chefes de Estado e do Governo da CPLP, o que, sendo motivo de regozijo, enche de orgulho todos os seus compatriotas.

Aqui, como Deputado e como proponente, ha'u atu ko'alia ho ita-nia lian inan, tanba ida-ne'e mak ohin iha Plenária ida-ne'e ha'u husu, ho hakraik an, ba distinto Deputado no Deputada sira atu, mai hamutuk, ita expressa ita-nia congratulação no laran haksolok ba reeleição Dr. Zacarias Albano da Costa hanesan Secretário Executivo da Comunidade dos Países de Língua Portuguesa.

Muito obrigado, Sr.<sup>a</sup> Presidente.

Sr.<sup>a</sup> **Presidente** (Maria Terezinha da Silva Viegas): — Ba distintos Deputados ruma maka iha apreciação ba...

Se faz favor, distinta Deputada Lídia Norberta.

Sr.<sup>a</sup> **Lídia Norberta dos Santos Martins** (FRETILIN): — Obrigada, Sr.<sup>a</sup> Presidente em exercício.

Bom dia ba Ita, componente da Mesa, Srs. Deputados, mília no maluk rona-na'in sira hotu.

Uluknanain, nu'udar timoroan, hakarak hato'o apreciação ida que boot ba Sr. Embaixador ou Diplomata Zacarias Albano da Costa ba ninia reeleição hanesan Secretário Executivo CPLP ba segundo mandato.

Primeiro mandato ne'ebé nia assume ne'e mak husi 2019 to'o iha 2021, e agora ne'e nia assume ba dala rua, husi 2021 to'o 2023. La'ós diplomata hotu-hotu, la'ós representante husi nação hotu-hotu mak iha kbiit ou iha biban ida hanesan ne'e atubele assume cargo ida importante iha organização multilateral sira hanesan ne'e ba dala rua, ho nune'e mak hakarak hato'o congratulação ba Sr. Zacarias Albano.

Nu'udar timoroan, nia la representa de'it ninia an maibé ne'e nia hatudu katak Timor iha duni capacidade atubele assume knaar importante iha organização ne'ebé importante iha rai-li'ur, e ida-ne'e mós hatudu katak serbisu boot ne'ebé Sr. Zacarias Albano halo hodi nune'e bele hetan reeleição iha mós apoio ida que boot husi Ministério dos Negócios Estrangeiros, liuliu diplomata sira ne'ebé sai embaixador multilateral Timor nian iha CPLP, ne'ebé destaca iha Lisboa, sira hotu, equipa boot ne'e nia serbisu mak consegue ita bele hetan reeleição ida-ne'e.

E, além de ida-ne'e, atu hatudu mós katak Timor nia compromisso ba CPLP boot tebetebes. Sr. Zacarias Albano ou qualquer indivíduo timoroan ida, tuir loos ne'e, era para assume knaar hanesan Secretário Executivo ne'e iha 2014 to'o 2016, bainhira ita kaer Presidência Pro Tempore da CPLP iha Timor. Maibé, tanba iha momento ne'ebá ita haree katak liderança organização nian, Secretário

Executivo CPLP nian tem que halo tuir ordem alfabética, e ita considera mós tanba ita mak uma-na'in no ita hakarak fó prioridade ba nação seluk, então iha momento ne'ebá ita la assume knaar ida-ne'e. Ne'e ita-nia fuan boot ne'ebé ita halo ba organização ne'e.

No entanto, sira mós fiar ita tanba ita mós assume compromisso ida boot, liuliu bainhira ita ko'alia kona-ba contribuição obrigatória husi país membro sira ba organização, Timor-Leste, mesmo que ki'ik maibé ho fuan ida que boot, haree ba laços históricos, apoio ne'ebé PALOP sira fó mai ita durante luta da libertação nacional e agora, iha momento atual ne'e, PALOP balu iha dificuldades, ita continua fó apoio sira iha aspeto ida-ne'e.

Ne'ebe, ho ida-ne'e ami agradece tebetebes, hanesan timoroan, ba organização CPLP ba confiança ida-ne'e, maibé, se bele, ita fó kedas mensagem ida ba Secretário Executivo, para haree mós ba questão balu ne'ebé sai hanesan compromisso organização CPLP nian, liuliu kona-ba acordo mobilidade.

Tinan kotuk ita ratifica ona acordo mobilidade junto da CPLP, ida-ne'e facilita tebetebes timoroan sira ne'ebe ba serbisu iha rai-li'ur, sira-ne'ebé hakarak ba escola, sira-ne'ebé hanesan escritor ou cantor, ou ema sira-ne'ebé iha especialidade oioin, sira-ne'e sei iha tratamento ida que especial bainhira sira hakarak circula iha países membros da CPLP, então, Secretário Executivo ida-ne'e, se bele, haree nafatin ida-ne'e. Ami fiar katak la'ós ema foun, ema ida que domina área ida-ne'e, tem que haree nafatin assunto ida-ne'e, no mós assunto sira seluk, hanesan questão ida economia verde, ne'ebé iha CPLP mós promove.

Mak ne'e de'it.

Obrigada.

Sr.<sup>a</sup> **Presidente** (Maria Terezinha da Silva Viegas): — Obrigada, Sr.<sup>a</sup> Deputada.

A seguir, karik sei iha Deputado ruma mak atu hato'o nia observação sobre projeto de voto de congratulação ida-ne'e?

Ba distinta Deputada Olinda, faz favor.

Sr.<sup>a</sup> **Olinda Guterres** (KHUNTO): — Bom dia ba Sr.<sup>a</sup> Presidente em exercício, Sr.<sup>a</sup> Secretária da Mesa, Sr. Vice, colega Deputado sira, mória hotu no maluk rona-na'in sira hotu.

Sr.<sup>a</sup> Presidente, Sr. Zacarias ne'e, ida-ne'e duni mak ita atu hili ne'e, atu hili seluk ne'e hili tan iha-ne'ebé?

Sr. Zacarias ne'e ninia serbisu durante ne'e ema mundo tomak hatene. Agora daudauk ne'e ema hanoin Timor la'ós matenek ida de'it, Timor ema barak, maibé ida único hanesan Sr. Zacarias ne'e, ha'u hanoin, seidauk, ne'e ita buka mós la hetan karik.

Ne'e mak ohin, ha'u duni mak dudu, ami Partido KHUNTO iha hanoin atu sai proponente ba

Sr. Zacarias nian naran sá ne'e. Ne'ebe, nu'udar Chefe Bancada Partido KHUNTO nian, ha'u convida colega sira fó laran-maus mai ami-nia proponente, ami husu ba colega sira bele fó votos di'ak ida mai ami-nia proposta ida-ne'e.

Obrigada.

Sr.<sup>a</sup> **Presidente** (Maria Terezinha da Silva Viegas): — Tuirmai, Deputado Gabriel Soares.

Sr. **Gabriel Soares** (CNRT): — Obrigado, Presidente em exercício.

Bom dia ba Ita-Boot, colega sira iha Mesa, colega Deputado sira, audiência hotu, mídia no povo doben Timor-Leste.

Liga ba voto de congratulação ne'ebé Parlamento Nacional atu fó ba ita-nia maluk timoroan ida atu assume pasta hanesan Secretário Executivo ba países língua portuguesa nian, em princípio, hanesan timoroan, ita la iha objeção. Timoroan sé de'it, importante katak nia ba ho nia princípio ida, ba ho nia domin ida, atu lori Timor nian naran atubele tama iha organização boot e atu lori habelar Timor nia naran iha organização, hanesan iha países de língua portuguesa, nia leet, ba Parlamento Nacional, hanesan representante povo, ita la iha objeção, ita la *ragu-ragu*, ita fó apoio tanba posição ne'ebé timoroan ida-ne'e, Sr. Zacarias Albano, atu assume ne'e ha'u sente katak ida-ne'e la'ós privilégio ba nia, maibé ne'e hanesan responsabilidade ba nia.

Tanba iha Portugal, quando iha tinan sira kotuk liubá ami-nia comissão bá halo estudo comparativo iha-ne'ebá, ami mós ko'alia ho ita-nia maluk timoroan sira iha-ne'ebá, balu estudante, balu hanesan trabalhador, sira iha dificuldade barak tebetebes.

Estudante barak hatete katak sira balu ba liuhosi organização, balu inan-aman mak haruka, talvez sira usa sira-nia orçamento inan-aman nian ka privado, maibé sira hetan dificuldades hanesan ne'e: dala barak, quando sira moras mak atu bá halo consulta, atu foti medicamentos ruma, difícil tebetebes, tem que iha cartão CPLP ne'e. Se iha cartão CPLP, então bele facilita sira atubele hetan assistência sira-ne'e.

Então, ne'e hatudu saida? Ho presença Sr. Dr. Zacarias Albano assume pasta ida-ne'e, ita bele hatete katak bele fó garantia, bele fó confiança di'ak liután ba ita-nia timoroan sira, ne'ebé balu bá escola e balu bá serbisu iha-ne'ebá, atubele tau matan ba ita timoroan.

Mesmo nia hala'o nia knaar hanesan membro ida iha país de língua portuguesa sira seluk nia leet, maibé *timorisasi* ne'e, nu'udar timoroan ne'e, nia fuan e nia domin ne'e tem que kesi metin ho timoroan sira-ne'ebé agora hala'o hela sira-nia estudo iha Portugal e balu mós, ita iha-ne'e questiona no talvez ita preocupa, bá serbisu, maibé sei hasoru problema A, problema B. Maibé, ho daudaun presença Sr. Zacarias nian, ha'u sente, bele hakmaan ita-nian timoroan sira-ne'ebé agora daudaun iha ema nia rain, hanesan balu bá buka moris, balu bá buka matenek iha rai Portugal, liuliu tama iha



organização países de língua portuguesa nian.

Em princípio, ha'u aprecia e fó parabéns ba Sr. Zacarias tanba, hanesan timoroan ida, nia bele lori Timor nia naran tama iha grupo países de língua portuguesa nian.

Obrigado.

Sr.<sup>a</sup> **Presidente** (Maria Terezinha da Silva Viegas): — Muito obrigada, Sr. Deputado.

Tuirmai, Deputada Helena Martins.

Faz favor.

Sr.<sup>a</sup> **Helena Martins** (FRETILIN): — Obrigada.

Bom dia ba Sr.<sup>a</sup> Presidente em exercício, composição da Mesa, colegas Deputados no povo rona-na'in Buibere no Maubere hotu.

Primeiro, ami nafatin fó voto de congratulação ba reeleição Sr. Zacarias Albano nian hanesan Secretário Executivo ba Comunidade dos Países de Língua Portuguesa. La'ós agora mak ita atu candidata, ema reeleito, ida-ne'e mak ita tem que hatene, selae orsida ita confunde eleição ho fali ita fó congratulação, buat rua ne'ebé la hanesan e ha'u hakarak atu observa iha fatin ida-ne'e.

Tuirmai, ha'u hakarak atu fó mós nafatin apoio ba serbisu ne'ebé Sr. Zacarias assume hanesan responsabilidade ida ba nia. Ha'u hanoin, oinsá mak ita aprofunda liután iha parte educação, liuliu mai iha Timor-Leste, oinsá mak ita atu assenta plano ida-ne'ebé di'ak ba aprofundação de língua portuguesa nos ensinos em todos os níveis do território de Timor-Leste.

Ha'u hakarak ko'alia ida-ne'e tanba saida? Ita haree ba escola CAFE de'it mak iha processo ne'ebe di'ak iha desenvolvimento língua portuguesa, maibé, quando sa'e ona ba universidade, ita ladún haree ona ninia desenvolvimento di'ak iha-ne'ebá, tanba ne'e mak, ha'u-nia observação atu hatete katak oinsá iha cooperação multilateral sira-ne'e tau mós importância, liuliu ba área educação e ba desenvolvimento de língua portuguesa em Timor-Leste.

Ida-ne'e mak ha'u hakarak atu sublinha.

Obrigada, Sr.<sup>a</sup> Presidente.

**Presidente** (Maria Terezinha da Silva Viegas): — Ba apreciação ka ba projeto de voto de congratulação ne'e inscrição ha'u taka ona. Ainda tem aqui dois intervenientes.

Tuirmai, Sr. Deputado Marcos Soares.

Faz favor.

Sr. **Marcos Soares Martins** (CNRT): — Obrigado ba oportunidade.

Bom dia ba Ex.<sup>a</sup> Sr.<sup>a</sup> Presidente do Parlamento Nacional, ba composição da Mesa no ba

distinto no distinta Deputado sira hotu.

Primeiro, ha'u admira e orgulho. Admira tanba ita-nia ema ida-ne'e, iha nação boot, nação barak ema matenek mós barak, bele consegue reeleito. Ne'e ita orgulho tanba talvez avaliação ema sira-nian katak nia ema ida que iha qualidade, ema ida que iha responsabilidade, ema ida que iha honestidade no mós iha responsabilidade ba nia knaar, ho nune'e avaliação husi nação sira seluk husi países de língua portuguesa bele fó nafatin fiar ba nia.

Ho nune'e ita la iha alternativa seluk, ita iha certeza apoio tanba nia lori Timor-Leste nia naran. Orgulho tanba timoroan ida bele lidera nação sira seluk iha rai seluk, com certeza nia representa Timor iha nação sira ne'ebá, ho nune'e sai mós motivação ba geração foun atubele banati no estuda didi'ak, liuliu iha área língua portuguesa no mós inglesa, ho nune'e loron seluk bele substitui ema sira hanesan ne'e.

Obrigado wa'in.

Sr.<sup>a</sup> **Presidente** (Maria Terezinha da Silva Viegas): — Obrigada.

Ikusliu, distinta Deputada Sancha Tilman.

Faz favor.

Sr.<sup>a</sup> **Sancha Margarida Tilman** (PD): — Di'ak, bom dia ba composição da Mesa, distintos no distintas Deputadas no rona-na'in sira hotu.

Ami aprecia tebes Sr. Zacarias Albano da Costa ne'ebé reeleito filafali hanesan Secretário Executivo da CPLP. Ida-ne'e hatudu katak nia mandato ne'ebé nia hala'o durante ne'e positivo tebes iha ita-nia mundo CPLP, tanba ne'e, ho responsabilidade ne'ebé nia simu, husu atu nia mantém, atu continua hala'o, exerce nia knaar ne'ebé iha hodi responde ba compromisso ne'ebé halo dentro dos países da CPLP no mós país sira seluk ne'ebé estabelece ona.

Nune'e, husu nafatin atu haree ba área da educação, liuliu ba língua portuguesa, atu nune'e ita-nia país Timor-Leste bele continua halo cooperação ne'ebé di'ak ba formação em língua portuguesa ida-ne'e atubele continua, nune'e bele lori conhecimento di'ak ba jovem sira iha Timor ne'e, liuliu ba ita hotu, atu nune'e bele entende di'ak língua portuguesa, nune'e iha futuro ita labele hasoru nafatin dificuldade ida-ne'ebé dehan «ami sei menos iha língua portuguesa». Nune'e husu ita hotu-hotu nia votos de congratulação ba projeto de voto ida-ne'e.

Obrigada barak.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinta Deputada.

Molok atu submete ba votação, ha'u fó hikas fali lian ba distinto Deputado proponente.

Faz favor, um minuto.

Sr. **António Verdial de Sousa** (KHUNTO): — Muito obrigado.

Não há mais nada para falar, procede à votação.

Sr.<sup>a</sup> **Presidente** (Maria Terezinha da Silva Viegas): — Obrigada, Sr. Deputado.

Tuirmai, ita prepara vota ba Voto n.º 19/VI/1.<sup>a</sup> Voto de congratulação pela reeleição de Zacarias Albano da Costa como Secretário Executivo da Comunidade dos Países de Língua Portuguesa.

Ba distinto Deputado sira-ne'ebé vota a favor, contra no abstenção, faz favor.

*Deputado sira hala'ó votação ordinária.*

Obrigado.

*Hato'ó ona ba votação no hetan aprovação ho votos a favor iha unanimidade husi Deputado presente hamutuk 52.*

Ho nune'e ita-nia voto de congratulação passa e o Sr. Zacarias Albano está de parabéns, tanto assim embaixada da CPLP em Portugal está de parabéns, e ita assume nafatin ita-nia compromisso, hanesan ohin distinta Deputada Lúcia adianta tiha ona, katak compromisso Timor-Leste nian ba CPLP muito importante, no mós atu fó ênfase ba acordos ne'ebé ita assina ona dentro dos países de língua portuguesa.

Ho nune'e, ha'u husu ba Sr.<sup>a</sup> Secretária da Mesa atu halo leitura ba Agenda n.º 3.

Faz favor.

Sr.<sup>a</sup> **I Vice-Secretária da Mesa** (Bendita Moniz Magno): — Obrigada, Sr.<sup>a</sup> Presidente.

«Voto n.º 20/VI(1.<sup>a</sup>), de condenação pela expulsão de um diplomata timorense e de solidariedade com o povo de Myanmar.

No passado dia 25 de agosto, a junta militar do Myanmar expulsou o encarregado de negócio junto da Embaixada da República Democrática de Timor-Leste no Myanmar.

A 1 de fevereiro de 2021, a República da União do Myanmar sofreu um golpe militar que depôs o Governo da Liga Nacional para a Democracia, eleito democraticamente pela esmagadora maioria de cidadãos nas eleições gerais de novembro de 2020, enfrentando, desde essa altura, uma guerra civil prolongada que resultou, até à data, na morte de cerca de três mil civis e na detenção de mais de 17 mil presos políticos.

Timor-Leste tem condenado veementemente o golpe militar, bem como a violência militar perpetrada contra civis, apelando ao fim da violência e da violação dos direitos humanos, e expressando o seu apoio incondicional às iniciativas desenvolvidas pela comunidade internacional,

nomeadamente no âmbito da ASEAN, de acordo com os princípios que a orientam, para a reposição da ordem democrática no país, no respeito pela vontade do povo.

O Parlamento Nacional reitera a necessidade imperiosa de respeito pelos valores fundamentais do Estado de Direito Democrático, da proteção dos direitos humanos e da dignidade humana, valores que sempre pautaram a luta pela independência de Timor-Leste e que são parte da sua identidade.

Convicto de que só a via do diálogo permite soluções de paz construtivas e duradouras, o Parlamento Nacional apela ao apoio aos esforços desenvolvidos para uma resolução pacífica da crise que salvaguarde a segurança de todos os cidadãos e o respeito pelos seus direitos fundamentais.

O Parlamento Nacional, reunido em sessão plenária, condena de forma veemente a expulsão do diplomata timorense junto da Embaixada da República Democrática de Timor-Leste no Myanmar e exprime a sua profunda solidariedade com o povo do Myanmar, apelando a uma solução pacífica da crise no país que permita o estabelecimento de uma paz duradoura e a restauração da ordem democrática;

Parlamento Nacional, 29 de agosto de 2023.

Os Deputados proponentes,

Deputado Duarte Nunes, David “Mandati” Dias Ximenes, Maria Angelina Sarmiento».

Obrigada.

Sr.<sup>a</sup> **Presidente** (Maria Terezinha da Silva Viegas): — Muito obrigada, Sr.<sup>a</sup> Secretária.

Ho nune’e ha’u fó kedas liafuan ba proponente sira.

Faz favor.

Sr. **Duarte Nunes** (CNRT): — Obrigado, Sr.<sup>a</sup> Presidente interina, membros da Mesa, colegas Deputados.

Bom dia ba ita hotu.

Haree ba situação ne’ebé povo Myanmar atravessa, ita precisa hato’o ita-nia solidariedade, atu nune’e bele iha mudança iha situação iha-ne’ebá.

Kona-ba polémica expulsão diplomata timorense, ação ne’e sira foti tanba declarações ne’ebé ita-nia Primeiro-Ministro, ita-nia Presidente da República, halo em relação ho situação ne’ebé povo Myanmar atravessa. Situação povo Myanmar la’ós de’it hetan condenação husi ita, maibé husi Conselho de Segurança ONU mós ko’alia, katak situação ne’ebé acontece iha Myanmar labele continua. Tanba depois de eleição democrática, Presidente ne’ebé manán, junta militar lakohi simu, então hamosu situação ida-ne’ebé antes ne’e mós acontece beibeik ona e mundo inteiro hatene situação ne’ebé povo hasoru, ita mós sente iha solidariedade, ita precisa mós fó ita-nia apoio.

Além de ida-ne'e mós, ita haree, ASEAN, hanesan organização regional, mós halo ona resolução ne'ebé ita hotu hatene liuhosi mídia, maibé to'o agora implementação ba resolução ne'e la iha, tanba ne'e mak ita, Parlamento, nu'udar representante povo, iha tempo liubá ita iha experiência ne'ebé agora ita-nia maluk sira no povo Myanmar sente, ita tem que expressa, ita tem que hatudu katak ita solidário ho sira, ita tem que hatudu katak situação ne'e labele continua. Tanba ne'e, saida mak junta militar halo ba ita-nia representante, ida-ne'e hatudu katak sira lakohi ema intervém ba sira-nia ukun, sira-nia situação, maibé sira haluha tiha katak tempo ba tempo sira sei isola an, e hein de'it decisão ikus husi ASEAN, karik iha pressão forte liután, atu nune'e bele iha resultado para ita haree iha tempo oinmai.

Ne'ebe, colega sira, ha'u hanoin, colega na'in-rua iha tan, halo favor fó ba sira ko'alia atu nune'e ita hotu expressa katak ita-nia povo ho povo Myanmar sei hamutuk hodi haree situação ne'e.

Obrigado, Presidente.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinto Deputado.

A seguir, distinto Deputado Mandati.

Faz favor.

Sr.<sup>a</sup> **David Dias Ximenes «Mandati»** (FRETILIN): — Bom dia, Sr.<sup>a</sup> Presidente em exercício, maluk Deputado sira hotu, as minhas saudações fraternais.

Atu dehan katak qualquer ofensiva pela força, depondo um Governo eleito pelas eleições democráticas é um golpe, e, este golpe terá que ser anti-democrático, porque pode haver golpes democráticos quando um Governo é ditador, depois vem um golpe para depor o Governo e instaurar a democracia, é um golpe para a democracia.

O que está a acontecer na antiga Birmânia ou então Myanmar é um golpe contra um Governo eleito democraticamente e, como tal, classificando a junta militar como uma junta militar anti-democrática, e, sendo antidemocrática, o Estado de Direito Democrático da RDTL, um país que comunga a democracia, o Estado de Direito Democrático, como tal, nós nos sentimos – como é que hei de-dizer – que devemos apoiar o povo da Birmânia que para já está vivendo num clima de anti-democracia, e vamos ter que suportá-los para que eles possam, futuramente, instaurar a democracia no país deles. A consequência desta nossa postura levou a expulsão do nosso diplomata, e vamos ter que continuar ser solidários para qualquer povo no mundo que sofra atuações ou ações de um determinado Governo que seja ditador. Por isso, vamos ter que ser solidários, e subscrevo a esta forma de apoiá-los nesta nossa Plenária.

Muito obrigado.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinto Deputado.

A seguir, distinta Deputada Maria Angelina Sarmento.

Faz favor.

Sr.<sup>a</sup> **Maria Angelina Lopes Sarmento** (PLP): — Obrigada.

Bom dia ba Sr.<sup>a</sup> Presidente em exercício, membros da Mesa, distintas e distintos Deputados.

Kona-ba questão política mak distinto Deputado Duarte Nunes ho distinto Deputado Mandati apresenta ona, ha'u atu hato'o tan informação ida.

Assunto mais recente sobre Myanmar nia mak iha fulan-agosto povo Myanmar hasoru ciclone ida ho naran ciclone Mocha, e, tanba ciclone ida-ne'e mak Nações Unidas hakarak fó apoio humanitário hodi fó acesso ba sira-ne'ebé sai vítima ba desastre natural ciclone Mocha, liuhosi chefe humanitária ONU ninia visita bá Myanmar.

Maibé, infelizmente junta militar Myanmar bloqueia acesso husi chefe Nações Unidas nian ba assunto humanitária nian, hodi nune'e la autoriza Nações Unidas ho agência internacional sira atubele fó apoio humanitário ba vítima sira iha fatin ne'ebé sira hasoru ciclone. Ato sira-ne'e mós hakle'an liután abuso ka violação direitos humanos ne'ebé comete husi junta militar Myanmar nian, hanesan detenção no ataques ba vítima sira no mós ema civil sira.

Ho ida-ne'e mak ohin loração barak halo pressão ba junta militar Myanmar ninia ato sira, ne'ebé la autoriza chefe humanitário ONU atu hetan acesso hodi bele fó apoio humanitário ba vítima sira.

E, Timor-Leste, até à presente data, sei hatudu ita-nia identidade única no prestigiosa iha mundo, liuliu iha ASEAN, ba ita-nia persistência ba defesa direitos humanos. E, Timor-Leste haree katak sai membro ASEAN ne'e importante, mas ita mós tem que hamriik ho firme hodi continua ko'alia kona-ba violação direitos humanos, e, Parlamento Nacional, ha'u hanoin, apoia tebetebes ita-nia Chefe de Estado e Chefe do Governo ninia posição kona-ba assunto regime militar Myanmar nian, e tanba posição ida-ne'e mak causa ita-nia encarregado de negócio iha Myanmar hetan expulsão.

E ha'u-ata rasik, hanesan membro *Board* ba *APHR (ASEAN Parliamentarians for Human Rights)*, hakarak solidariza ho povo Myanmar no mós apoia no segunda posição Chefe de Estado no Chefe do Governo nian kona-ba ita continua ho firmeza atu ko'alia kona-ba violação direitos humanos iha ASEAN nian, no ida-ne'e la significa katak ita atu tau em causa ita-nia adesão ba ASEAN hanesan membro permanente, mas ita atu hatudu ita-nia identidade única hanesan nação ne'ebé, desde início, luta ba ita-nia identidade hodi ko'alia kona-ba violação direitos humanos iha ita-nia rain rasik.

Ne'ebe, ha'u hanoin, ita hotu, se bele, fó voto de apoio ida-ne'e ba solidariza ho povo Myanmar.

Obrigada.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinta Deputada.

Molok ha'u atu submete ba votação, ha'u sei fó ba apreciação distinto Deputado. Por acaso iha ona Deputado na'in-rua mak inscreve.

Deputado António Verdial, faz favor.

Sr. **António Verdial de Sousa** (KHUNTO): — Muito obrigado, mais uma vez, Sr.<sup>a</sup> Presidente em exercício.

Haree ba voto n.º 20/VI(1.<sup>a</sup>), kona-ba condenação ba expulsão diplomata timoroan ida no itania solidariedade ho povo Myanmar, ita-nia Nação de'it hanaran República Democrática de Timor-Leste no ita moris iha Estado de direito democrático, tanba ne'e mak ita defende democracia no nafatin solidário ho povo Myanmar.

Husi Uma-Democracia ida-ne'e, hanesan representante povo iha Uma-Democracia República Democrática Timor-Leste ida-ne'e, ita tem que sente orgulho tanba expulsão ne'e, ho itania orgulho mak hanesan resposta clara ba defesa ba direitos humanos. Ho situação ida-ne'e, hanesan timoroan, ita tem que orgulho tebes tanba ato ne'ebé coerente ba denúncia ba crime grave contra humanidade no expulsão refere sai hanesan motivo ida atu ita timoroan sente orgulho.

Obrigado, Sr.<sup>a</sup> Presidente.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinto Deputado.

A seguir, distinto Deputado Joaquim Boraluli.

Faz favor.

Sr. **Joaquim dos Santos «Boraluli»** (FRETILIN): — Obrigado, Presidente.

Concorda ho voto de condenação. Ha'u hanoin, bele aumenta tan iha terceiro parágrafo, depois de frase «...expressando o seu apoio incondicional às iniciativas desenvolvidas pela comunidade internacional...», ita bele cita, ha'u la hatene bele ka lae, técnico sira, bele karik, «... princípios da organização da ASEAN» hanesan conceito orientadora ba resolução de problemas. Ida mak ASEAN ne'e não alinhado, la alinha ba força A, força B, significa antigolpista. Se Myanmar halo ida-ne'e, significa nia viola princípio ida, ne'ebe, ha'u hanoin, se bele karik orsida, iha redação, técnico sira introduz tan «princípios da organização da ASEAN».

Obrigado.

Sr.<sup>a</sup> **Presidente** (Maria Terezinha da Silva Viegas): — Obrigada, Sr. Deputado.

Ha'u hanoin, karik proponente na'in-tolu la iha objeção, ha'u sei husu ba assessor sira atu inclui tan frase ne'ebé ohin distinto Deputado Joaquim hato'o.

A seguir, distinto Deputado Romeu Moisés.

Ha'u taka ona ba observação, apreciação ba Voto n.º 20.

Faz favor, Sr. Deputado.

Sr. **Romeu Moisés** (CNRT): — Obrigado ba tempo.

Bom dia ba Presidente em exercício Parlamento Nacional nian, colega distinto no distinta Deputado sira.

Dadeer ida-ne'e ha'u atu ko'alia mós kona-ba assunto Myanmar nian. Constituição República Democrática de Timor-Leste, artigo 8.º alínea 4), iha-ne'ebá ko'alia kona-ba laço amizade, cooperação ho nação, liuliu ho nação ne'ebé moris hamutuk iha região asiática.

Liga ho assunto Myanmar expulsa diplomata Timor nian, ne'e tanba la simu ho timoroan ninia posição kona-ba Myanmar, tanba ne'e junta militar hatún ordem atu expulsa encarregado de negócio Timor-Leste nian. Tanba la simu posição Timor nian ne'ebé foin lailais autoridade timoroan sira fó-sai iha nação ne'e, tanba ne'e, *statement* Ministério dos Negócios Estrangeiros lori Governo República União Myanmar nia naran husu ba encarregado de negócios Embaixada RDTL nian atu husik Myanmar tarde liu 1 de setembro. Timor-Leste nafatin halo ninia missão iha Myanmar, Myanmar hapara de'it encarregado de negócio Timor-Leste nian. Timor-Leste tem que sente orgulho, hanesan Sua Excelência Presidente da República ko'alia, «Ita Timor-Leste tem que ser orgulho tanba expulsão ne'e nu'udar resposta ba direitos humanos». Ho informação ne'ebé iha, ita nafatin fó solidariedade ba povo Myanmar. Timor-Leste exige, hakarak nação Myanmar hatuur democracia, la'ós hatuur ukun ho ditadura, tanba ne'e mak Timor-Leste hola ninia posição, hanesan República Democrática de Timor-Leste ninia posição, liuhosi Sua Excelência Presidente da República, Primeiro-Ministro, foin lailais liubá hato'o tiha ona. Tanba ne'e mak ita, nação soberana, tem que ser afirma ita-nia posição. Husu ba ASEAN, resolução barak mak nação sira hasai tiha ona, nação sira ne'ebé existe iha ASEAN hasai tiha ona resolução oioin de'it, maibé até à data la resolve problema Myanmar, tanba ne'e mak Timor-Leste condena ação ida-ne'e.

Obrigado.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinto Deputado.

Último, distinto Deputado Aniceto Guterres.

Faz favor.

Sr. **Aniceto Longuinhos Guterres Lopes** (FRETILIN): — Obrigado, Sr.<sup>a</sup> Presidente em exercício, distintos Deputados.



Ba dala uluk, ha'u atu confirma de'it ba proponente, mós técnico sira, é um voto ou é uma resolução? Ha'u hanoin, iha diferença, buat rua.

Se uma posição política atu condena ka halo nu'usá, ne'e tem que ser uma posição política que tem que ho resolução, la'ós voto. Voto ne'e hanesan buat ida que qualquer ema ida bele fó. Parlamento é um órgão político, se uma decisão condenatória, decisão política, é uma decisão política condenatória, tanba ne'e, ha'u hanoin, resolução. Mesmo assim, ita rona lai proponente ho técnico sira. Ha'u-nia sugestão, é melhor resolução.

Segundo, em princípio, seja nia voto ka uma resolução, nia conteúdo ha'u concorda, mas nia linguagem sira-ne'e mak, ha'u hanoin, ida condena, condenação, sira-ne'e, loloos condenação, mas ha'u prefere ita usa linguagem ne'ebé Governo usa em relação a essa situação, para uniformiza ita-nia linguagem a nível do País.

Haree to'ok, Governo usa linguagem saida? Condena ka linguagem seluseluk que ladún forte karik, convém ita uniformiza. Se Governo nia linguagem mais *soft* karik, ita mós tem que usa tuir ida-ne'e. Ne'e mak ha'u-nia sugestão para ita uniformiza linguagem ne'e, porque tem impacto ba ita-nia diplomacia iha mundo, liuliu iha ASEAN. Ita keta hanoin dehan ita *good bye* ona ho ASEAN, hakarak ka lakohi ita tem que tama ASEAN. Nia mecanismo, ASEAN ne'e ita atu tama ne'e, País membro sira ne'e, e Myanmar é um dos membros da ASEAN, hotu-hotu tem que hateten sim mak bele tama. E ita la hatene situação Myanmar ne'e bainhira mak hotu, ita la hatene, tanba dura kleur tiha ona to'o agora mós hanesan ne'e ita la hatene bainhira mak hotu. To'o momento, ita, quando pronto atu tama ona, ida seluk sei satan hela tanba ita loke confrontação.

Tanba ne'e mak, ha'u-nia sugestão, ha'u preocupa, haree didi'ak linguagem ne'e, Governo quando usa linguagem ne'e kala tetu hotu ona ninia consequência, então ita mós tem que uniformiza ho linguagem Governo nian.

Obrigado.

Sr.<sup>a</sup> **Presidente** (Maria Terezinha da Silva Viegas): — Muito obrigada, Sr. Deputado.

Ho nune'e, ha'u fó hikas fali ba proponente sira atu pronuncia sobre observação ne'ebé hato'o husi Presidente da Bancada da FRETILIN e mós agradece ba observação.

Faz favor, Deputado Mandati.

Sr. **David Dias Ximenes «Mandati»** (FRETILIN): — Muito obrigado, Sr.<sup>a</sup> Presidente, mais uma vez.

Aqui, nesta redação, no terceiro parágrafo da primeira página está aqui escrito, «Timor-Leste tem condenado veementemente o golpe militar, bem como a violência militar». Este é o terceiro parágrafo.

Vamos ao último parágrafo, também vejo, «O Parlamento Nacional, reunido em sessão plenária, condena de forma veemente a expulsão do diplomata timorense junto da Embaixada da República Democrática...», «junto» está mal escrito também, «...junto da Embaixada da República Democrática de Timor-Leste no Myanmar...», tá bem, «... e exprime a sua profunda solidariedade com povo de Myanmar».

Agora, eu desconheço, ha'u seidauk haree opinião Governo ninian, se condena ka... Tá ali escrito, «condena».

Se condena, ita-nia redação está de acordo ou está em consonância com o parecer do Governo. Ne'ebe, agora, ho opinião Presidente da Bancada ninian, ita haree, escolha de'it, atu condena, tem que ser por uma resolução, karik dehan katak um apoio de solidariedade ao povo de Myanmar, então é uma votação desta forma.

Ha'u-nia haree mak hanesan ne'e, ne'ebe depende agora ba decisão Mesa nian oinsá. Portanto, se condenação, tem que ser ho resolução! Karik hanesan apoio de solidariedade ao povo de Myanmar, então ida-ne'e loos ona.

Muito obrigado.

Sr.<sup>a</sup> **Presidente** (Maria Terezinha da Silva Viegas): — A seguir, distinta Deputada Maria Angelina Sarmiento.

Faz favor.

Sr.<sup>a</sup> **Maria Angelina Lopes Sarmiento** (PLP): — Obrigada, Sr.<sup>a</sup> Presidente.

Em relação a questão do distinto Deputado Aniceto, tem a razão de ser para questionar sobre este voto, será que mais pertinente um voto ou uma resolução?

Mas, como iha ita-nia declaração ida-ne'e iha buat rua, ida kona-ba ita condena expulsão Diplomata ita-nian no ida ita fó solidariedade ba povo Myanmar, condena expulsão ita-nia Diplomata ne'e tanba causa husi ita-nia posição hodi solidariza ho povo Myanmar, tanba ne'e mak, ha'u hanoin, hanesan ohin Deputado Aniceto nia preocupação, katak talvez liafuan ida condena ne'e bele implica ba ita-nia adesão ba ASEAN ka ita-nia relação ho país sira membro ASEAN nian. Então, ha'u hanoin, ita bele reformula fali linguagem ida-ne'e hanesan: ba assunto golpe militar, ita continua ho posição ida ita condena, maibé ba questão ida expulsão ba ita-nia Diplomata ne'e, ita bele dehan ita lamenta, lamenta tebetebes ho expulsão ida-ne'e. Tanba de'it ita-nia posição hodi solidariza ho povo Myanmar, ita-nia Diplomata ida-ne'e hetan expulsão ho prazo ida limitado ba nia tem que sai kedas husi Myanmar, ne'ebe ida-ne'e, em vez ita dehan condena, ita lamenta ho decisão junta militar Myanmar nian hodi expulsa ita-nia Diplomata.

Ida-ne'e ha'u-nia opinião atu ita-nia linguagem ne'e suave uitoan. La hatene liafuan lamenta ne'e mós talvez keta hanesan ho condena, mas pelo menos ita la condena Governo, mas ita lamenta ho decisão ida-ne'e.

Obrigada.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinta Deputada.

A seguir, Deputado Duarte Nunes.

Faz favor.

Sr. **Duarte Nunes** (CNRT): — Sim, obrigado, Presidente.

Se ha'u haree, declaração husi Presidente da República ne'e condenação. Atu interpreta expressão condenação ou resolução, resolução nia carácter ita iha posição aas ne'ebé ita resolve hodi ema cumpre. Ne'e tuir ha'u-nia entendimento. Tanba ita iha *level* ida, e iha ASEAN mós ita membro ida que seidak tama, hanesan ASEAN halo resolução, *ok*, ha'u compreende, ne'e tanba ninia implicação ne'e tem que iha implementação, agora, ato ida ne'ebé que junta militar halo ba ita-nia representante, ita condena tanba ita la aceita, ita la simu, ita labele simu ato ida-ne'e, tanba ne'e mak ita dehan ita condena.

Agora ita resolve, ita halo resolução, significa que imperativo uitoan, iha tempo ruma ita tem que espera ninia implementação ne'e. Tanba ne'e mak ida-ne'e la iha sentido, karik ita halo resolução ida que, ba ita, ita *power* la iha. Ne'e ha'u-nia entendimento ba situação ne'ebé que ita haree ba ita Timor, ita seidak iha posição ida que ita atu atu resolve. Ita condena tanba ita la concorda, ita la simu. Ne'e mak ha'u-nia hanoin. Mas, ita hato'o filafali ba assessor sira, karik mós precisa halo consulta ruma, tanba ita-nia posição mak hanesan ne'e, tanba tuir buat ne'ebé que Governo ko'alia. Governo, ha'u la hatene Governo seidak halo, mas ha'u haree Presidente nia conferência imprensa ne'e nia ko'alia condenação.

Obrigado.

Sr.<sup>a</sup> **Presidente** (Maria Terezinha da Silva Viegas): — Obrigada, Sr. Deputado.

A seguir, distinta Deputada Lídia Norberta.

Sr.<sup>a</sup> **Lídia Norberta dos Santos Martins** (FRETILIN): — Obrigada, Sr.<sup>a</sup> Presidente.

Atu hateten de'it katak observação ida-ne'ebé Chefe Bancada FRETILIN halo, ha'u hanoin, ha'u mós apoia ida-ne'e, tanba ida-ne'e ita tem que halo resolução.

Ha'u só fó lembra de'it, ita, iha legislatura anterior, V Legislatura, problema ida be junta militar ne'e hahú ona ho Governo Aung San Suu Kyi nian, iha momento ne'ebá ita halo resolução ida,

tanba ne'e ha'u hanoin katak tem que iha duni resolução em vez de voto. Tanba questão ida-ne'e questão ida-ne'ebé precisa ita-nia posição que clara, ha'u hanoin katak resolução ne'e di'ak liu.

Apoia mós colega balu ohin ko'alia kona-ba posição, até Chefe Bancada FRETILIN nian, ko'alia kona-ba posição Governo, ha'u foin haree, posição Governo nian iha-ne'ebá iha ponto tolu ne'ebé nia tau, ida mak condena, ida seluk fali mak continua hatudu nia solidariedade ba povo Myanmar, ne'ebé ohin Deputada Angelina ko'alia. Quando ko'alia ida-ne'e, ita filafali ba resolução V Legislatura, ita hatudu duni ita-nia solidariedade ida iha-ne'ebá, e prova ida tan maka ita bele dehan katak Governo ida Myanmar nian ne'ebé iha rai-li'ur ne'e halo *lobby* ba país barak, até ita Timor mós Presidente da República, Parlamento, ita hotu-hotu simu. E ponto ida tuirfalimai ne'ebé Governo fó maka diálogo, iha parte ita-nian, ne'ebe ha'u hanoin katak ponto tolu ne'e iha hotu, ita bele acrescenta iha-ne'e.

E, interessante tebetebes maka wainhira ita ko'alia kona-ba posição ida-ne'e, loos duni, adesão ba ASEAN ne'e ita tem que adere, maibé tempo badak ne'e lae, ita precisa haree buat balu ne'ebé tem que haree.

Iha-ne'e mak apoia tebetebes ba Presidente da República, Primeiro-Ministro, e até líder oposição Timor nian husi bancada ami-nian, Dr. Mari Alkatiri, na'in-tolu iha posição hanesan, katak buat ida-ne'ebé contra princípios e valores ita-nian, ne'ebé hatudu iha Constituição da República artigo 8.º, ita continua defende ida-ne'e.

Ita mós partilha hanoin ida dehan katak princípio de não-ingerência, labele tama ba assunto rai seluk, ne'e ita kaer. Maibé, la'ós dehan katak tanba ida-ne'e be ita atu halakon ita-nia valores, lae! Então, ita haree katak liderança tolu Timor nian ne'e comunga ideia hanesan kona-ba questão ida-ne'e, tanba ne'e maka apoia mós Deputado Duarte nian hanoin, katak se bele ita halo resolução tem que tau condena duni. Se ita la tau condena, ita atu halo saida? Tanba nia sequências ne'e naruk mak to'o mai ohin loron, e ida-ne'e di'ak ba ita.

Até iha jornal Japão nian ema hakerek, ema orgulho tebetebes ho posição Timor nian, ne'ebe ha'u apoia tebetebes ba resolução ida-ne'e. Se bele, voto ne'e transforma iha resolução, e ninia conteúdo ne'ebé iha, se bele, ita tau nafatin, e figura tolu ninian hanoin ne'ebé iha ne'e, se bele, halo nu'usá mak buka acomoda iha-ne'e.

Obrigado.

Sr.<sup>a</sup> **Presidente** (Maria Terezinha da Silva Viegas): — Molok ha'u fó ba distinto Deputado na'in-rua, iha ponto de ordem ida.

Se faz favor, distinta Deputada Veneranda Lemos.

Sr.<sup>a</sup> **Veneranda Lemos Martins** (CNRT): — Obrigada, Sr.<sup>a</sup> Presidente do Parlamento Nacional em exercício.

Dadeer di'ak ba Ita-Boot, componente da Mesa, colega Deputado sira hotu.

Ha'u lailais de'it, atu fó informação ida kona-ba posição Governo ninian ne'ebé porta-voz husi IX Governo halo ona iha comunicado de imprensa.

Sira mós, iha sira-nia comunicado de imprensa ne'e, hatete condena, «Timor-Leste condena expulsão de diplomata timorense e reitera a sua solidariedade com o povo de Myanmar». Ne'ebe, se ita ohin ko'alia kona-ba ita iha linguagem tem que hanesan, ha'u hanoin, hanesan hela.

Ida-ne'e informação ne'ebé ha'u hakarak hato'o.

Muito obrigada.

Sr.<sup>a</sup> **Presidente** (Maria Terezinha da Silva Viegas): — Muito obrigada, Sr.<sup>a</sup> Deputada.

A seguir, distinto Deputado Natalino dos Santos.

Se faz favor.

Sr. **Natalino dos Santos Nascimento** (CNRT): — Sim, obrigado.

Bom dia, Sr.<sup>a</sup> Presidente, composição da Mesa, colega distinto Deputado sira hotu.

Ha'u sente katak ita iha Parlamento Nacional ne'e atu foti decisão. Se ita fó voto solidariedade, ha'u haree, iha V Legislatura ita fó tiha ona voto solidariedade ba povo Myanmar, tanba ne'e, tuir ha'u haree, ita halo resolução ida, foti decisão ida. Loloos, antes de apresenta resolução ne'e, ita halo tiha lai confirmação ho Governo, ho Presidente da República ninian, mak ita foin halo dala ida, maibé, ita apresenta tiha ona, iha ona informação, e ha'u husu para hadi'a, halo ajuste ho Governo, ho Presidente nian, para Estado nia decisão ne'e hanesan. Tanba ne'e ida-ne'e tem que resolução, ita tem que condena ato junta militar, ita la condena povo Myanmar.

Ba ha'u, condenação ida-ne'e la fó impacto ba ita atu halo adesão, porque ita condena junta militar ne'ebé antidemocrática, e hakarak hamate democracia iha rai Myanmar. Então, ita iha dever nu'udar observador iha ASEAN, ita seidauk tama iha membro ASEAN, ita fó ita-nia observação ba membro ASEAN sira-ne'ebé iha ona, ita husu para sira bele haree assunto ida-ne'e. Tanba ne'e, ba ha'u, ita tem que halo resolução! Ita condena ato junta militar nian ne'ebé halo violação direitos humanos, antidemocrático, ita tem que foti ita-nia posição para, nu'udar Estado ne'e, ita iha duni decisão ida. Se agora ita fó de'it voto, la iha força ida! Porque ne'e Estado, tanba ne'e, ha'u-nia observação katak ita tem que condena duni, e por resolução Parlamento Nacional, e nune'e bele harmoniza mós ho linguagem Governo nian, Estado nian, para uniformiza ita-nia hanoin.

Dala ida tan, la iha impacto ba ita ba adesão ne'e porque ita condena ne'e condena ato junta militar ne'ebé halo golpe do Estado, ida-ne'e mak ita, nu'udar Estado de direito democrático, hakarak hato'o ita-nia preocupação ba Estado Myanmar ne'ebé enfrenta hela situação iha-ne'ebá.

Mak ne'e de'it, obrigado.

Sr.<sup>a</sup> **Presidente** (Maria Terezinha da Silva Viegas): — Muito obrigada, Sr. Deputado.

Ha'u la loke ona ba inscrição.

A seguir, distinto Deputado Joaquim dos Santos.

Sr. **Joaquim dos Santos «Boraluli»** (FRETILIN): — Obrigado, Presidente.

Se transforma ba resolução, ha'u hanoin, estrutura tem que hakerek fali. Conceito sira be ita atu hakerek ne'e iha hotu ona iha documento ne'e, «condenação», «solidariedade», «diálogo», «solução pacífica» ne'e iha hotu ona, mas tem que reformula ninia estrutura ne'e, se maioria concorda atu transforma ne'e ba resolução. Mas, depende mós ba proponente ne'e.

Mas, tuir ha'u pessoal, voto de condenação mós forte ona. Pergunta ha'u-nian mak: karik resolução, vincula ka lae ASEAN? Bom, ou apenas posição de'it, voto mós bele. Se maioria concorda resolução, então ha'u sugere tem que reformula estrutura ne'e.

Obrigado.

Sr.<sup>a</sup> **Presidente** (Maria Terezinha da Silva Viegas): — Tuirmai, distinto Deputado Patrocínio Fernandes.

Sr. **Patrocínio Fernandes dos Reis** (CNRT): — Sim, obrigado.

Bom dia ba Presidente da Mesa, Vice-Presidente, Secretários e distintos Deputados hotu.

Ha'u mos iha hanoin katak resolução ka voto de condenação, se hanoin katak tanba Myanmar hanesan membro ida iha organização ASEAN, ita seidauk, foin mak observador, bele mós resolução. Mas, resolução ne'e, tanba ita hanoin katak se resolução Parlamento Nacional nian, nia vinculativo mais ba ita-nia Estado, ba ita-nia Nação, então, se ita hanoin katak atu transforma ba resolução, ita tem que husu mós Governo ninia opinião, Presidente da República ninia opinião, tanba hanoin katak nia bele implica, resolução ne'ebé ita hasai iha-ne'e sei vincula ita-nia Governo ninia diplomacia ho nação sira-ne'e rasik mós. Ne'ebe, ita bele reformula ho buat sira-ne'e hotu hodi haree para bele hasai resolução ka lae.

Mas, em princípio, ha'u hanoin katak rua ne'e hotu vale, e nu'udar representante povo, órgão ida-ne'e hato'o ita-nia voto de condenação e solidariedade ne'e mós posição ida-ne'ebé forte

representa povo. Mas uma resolução, tanba orsida Governo ninia diplomacia sira tem que haree mós ba iha ita-nia resolução sira-ne'ebé hasai iha Parlamento Nacional karik.

Ne'ebe, ha'u hanoin, ida-ne'e mak atu dehan, mas em princípio concorda ho hanoin sira-ne'e hotu, karik maioria hanoin katak ida-ne'ebé di'ak liu, depois ita bele avança ba oin.

Obrigado.

Sr.<sup>a</sup> **Presidente** (Maria Terezinha da Silva Viegas): — A seguir, distinta Deputada Olinda Guterres.

Sr.<sup>a</sup> **Olinda Guterres** (KHUNTO): — Ha'u retira, Sr.<sup>a</sup> Presidente, ko'alia tiha ona.

Sr.<sup>a</sup> **Presidente** (Maria Terezinha da Silva Viegas): — Ponto de ordem, distinto Deputado Aniceto.

Se faz favor.

Sr. **Aniceto Longinhos Guterres Lopes** (FRETILIN): — Obrigado, Sr.<sup>a</sup> Presidente em exercício.

Ba ha'u, voto ne'e expressa sentimento ida, sentimento bele haksolok, bele ida triste ninian, mas, iha-ne'e buat importante mak ida be condena ne'e. Se condena, ne'e é uma posição política, tanba ne'e, ha'u hanoin, resolução mak pertinente para ita passa iha-ne'e, uma posição política.

Ita la fó solução. Experiência, uluk invasão Rússia ba Ucrânia mós iha V Legislatura ita passa ho resolução. É um protesto e mós condena, halo condenação ida, la vincula, maibé ne'e reflete posição política. Se ita ko'alia vincula ka la vincula ne'e, Parlamento nia resolução sira-ne'e ita-nia Governo rasik la cumpre mós iha, tanba ne'e mak resolução é apenas atu marca posição política ida hanesan representa povo Timor-Leste nesta situação, situação ne'ebé agora ita ko'alia daudauk agora ne'e, Myanmar.

Obrigado.

Sr.<sup>a</sup> **Presidente** (Maria Terezinha da Silva Viegas): — A seguir, distinto Deputado Mandati, molok ita atu foti decisão em forma de resolução ou voto.

Sr. **David Dias Ximenes «Mandati»** (FRETILIN): — Ha'u atu reforça de'it saida mak Presidente da Bancada ko'alia ona ho mós maluk sira seluk mós ohin ne'e frisa tiha ona. Apesar de ita seidauk iha... somos apenas observadores na ASEAN, mas pertencemos, fazemos parte da Organização das Nações Unidas, que tem também os seus valores.

Embora haja ditadores da esquerda, ditadores da direita, naquela organização, mas ita mós iha-ne'ebá ko'alia kona-ba democracia. Então, iha-ne'e buat ida be resolução ne'e é vinculativo conforme os regimentos, conforme as normas de qualquer organização. Bele, se ita la bele condena no contexto da ASEAN, nós podemos fazer esta condenação no contexto da ONU, porque nós fazemos parte.

Ne'ebe, ha'u-nia hanoin, se Governo ninia postura ne'e condenação, nós não podemos dizer que estamos dependentes da postura do nosso Governo, porque ita mós órgão de soberania ida, ita-nia postura mós loloos hanesan, no meu entender. Ne'ebe la'ós dehan ita iha-ne'e halo de'it voto, voto, meramente simples de dizer que nós somos apenas solidário ao povo de Myanmar, maibé essa expulsão do nosso diplomata hatudu ona mai ita katak sira rejeita ita-nia presença iha-ne'ebá. Então, em resposta, a gente condena a vossa postura política contra o povo de Myanmar ne'ebé elege Governo ida através das eleições democráticas, e vocês depõem, então vocês são antidemocráticos.

E os nossos valores ao longo de tempo que viemos defendendo, ita democrático, ne'e duni, ha'u haree ita-nia postura, resolução ne'e bele iha fatin karik. Ha'u la'ós perito iha relações internacionais, mas ohin maluk sira-nia ko'alia ne'e dá-me entender isto.

Muito obrigado, Presidente.

Sr.<sup>a</sup> **Presidente** (Maria Terezinha da Silva Viegas): — Distinto Deputado Duarte Nunes como proponente, se faz favor.

Sr. **Duarte Nunes** (CNRT): — Sim, Presidente.

Ha'u concorda ho nia título ne'e ita bele tau resolução, maibé nia conteúdo ne'e ita condena, ita tem que condena duni, buat ne'ebé la di'ak, ita dehan la di'ak. Ne'ebe componente tolu ne'ebé iha, ita condena tanba ita-nia representante, hanesan ita-nia relação entre nação rua ne'e ita estabelece tiha mas sira hasai tiha, hakarak haketak ita, ita condena situação ne'e.

Solidariedade ita tem que expressa duni, katak ditadura ne'ebé agora passa iha-ne'ebá ne'e ita labele simu, tanba povo iha-ne'ebá terus hela, la'ós ho ditadura ne'e povo haksolok. Ida-ne'e mak ita tem que tau nafatin.

Agora, nia título, ha'u la hatene português, não é? Português ne'e ita idaidak interpreta, agora ita iha assessor sira-ne'ebé lia-na'in ne'e sira hakarak interpreta ita-nia hakarak ne'e oinsá.

Ne'ebe, favor ida, husu ba sira para sira bele explica e depois Presidente fó filafali mai, antes ita atu bá votação.

Obrigado.



Sr.<sup>a</sup> **Presidente** (Maria Terezinha da Silva Viegas): — Agradece ba distinto Deputado.

Hanesan ohin distinto Deputado Joaquim ho Mandati hato'o, katak se voto de condenação, a forma como está apresentada pelos proponentes, mas se vamos optar ba resolução, temos que reformular o conteúdo ou a forma da escrita. Tanba ne'e mak ha'u husu, karik bele iha cinco minutos, ba proponente na'in-tolu atu hamutuk ho assessor sira, os três proponentes juntamente com os assessores, para ver o conteúdo e reformular ou se mantém, antes de ita tama ba votação.

Cinco minutos apenas, de maneira que não é necessário sair da sala plenária.

Distinto Deputado Aniceto, se faz favor.

Sr. **Aniceto Longuinhos Guterres Lopes** (FRETILIN): — Sr.<sup>a</sup> Presidente, Ita-Boot iha competência tomak atu gere tempo ne'e.

Maibé, parece la precisa ita suspende tan, ita vota hodi aprova de'it, questão redação, questão estrutura ne'e orsida, resolução ne'e, antes Presidente Parlamento assina atu haruka ba publicação ne'e, claro tem que tuur hamutuk, rona filafali proponente sira. Baseia ba discussão ne'ebé ita iha tiha ona, formula de'it e depois Presidente Parlamento assina.

Obrigado.

Sr.<sup>a</sup> **Presidente** (Maria Terezinha da Silva Viegas): — Agradece ba observação, distinto Deputado.

Distinto Deputado Joaquim dos Santos ainda tem palavra, molok ita tama ba votação?

Sr. **Joaquim dos Santos «Boraluli»** (FRETILIN): — Obrigado, Presidente.

Ha'u secunda Deputado Aniceto nian, ita aprova ne'e aprova resolução la'ós aprova voto, depois, redação ho estrutura ne'e assessor sira, baseia ba ita-nia debate ohin ne'e, formula, tanba termo chave iha-ne'e, documento ne'e, completo.

*Sr. Deputado ne'e hatudu dokumentu iha surat-tahan*

«Condenação», «solidariedade» e depois «diálogo permanente ba solução», depois iha mós «solução pacífica», por ai fora. Liafuan sira-ne'ebé sai hanesan ita-nia termo chave ne'e mak orsida reformula iha resolução, ne'ebé ita aprova ne'e resolução.

Obrigado.

Sr.<sup>a</sup> **Presidente** (Maria Terezinha da Silva Viegas): — Último, Deputado Patrocínio Fernandes.

Sr. **Patrocínio Fernandes dos Reis** (CNRT): — Retira de'it.

Obrigado.

Sr.<sup>a</sup> **Presidente** (Maria Terezinha da Silva Viegas): — Ho nune'e, ho permissão, ho concordância Plenária nian, depois de rona tiha distinta Deputado sira hotu, concorda atu transforma voto ne'e ba resolução no mós reformula nia estrutura da escrita.

Ho nune'e, ha'u husu ba distinto Deputado hotu ne'ebé vota a favor, abstenção no contra, se faz favor.

*Deputado sira hala'o votação ordinária.*

Muito obrigada.

*Hato'ona ba votação no hetan aprovação ho voto a favor 57, contra 0 no abstenção 0.*

Ho nune'e, projeto de resolução ida-ne'e passa, e mós espera katak proponente sira hamutuk ho assessor no mós acompanhamento da Mesa, ita reformula a escrita da resolução.

Agora estamos quase às 11h00, ita atu tama ba intervenções diversas dos Srs. Deputados, karik permite, ha'u bele limita ita-nia intervenção, das 10h46 vamos até às 11h30, se hotu-hotu concorda.

Ho nune'e ita bá intervalo mak ita tama fali ba Período da Ordem do Dia.

Iha inscrição iha-ne'e ona, hahú husi distinto Deputado Dário Madeira.

Se faz favor.

Sr. **Dário Madeira** (FRETILIN): — Bom dia ba Sr.<sup>a</sup> Presidente em exercício, composição da Mesa, distinta Deputada e distinto Deputado sira hotu no povo rona-na'in tomak.

Iha-ne'e ha'u hakarak atu ko'alia de'it, desde horisehik lokraik mai to'ohin ne'e cidade Díli mate, ahi eletricidade ne'e quase la lakan hotu, kala iha bairro balu de'it, fatin balu de'it, mas área barak liu eletricidade ne'e la lakan. Díli ne'e quase vida família nian hotu-hotu ne'e moris ho energia eletricidade nian, bee, te'in, buat hotu-hotu, mas mate, ne'ebe iha-ne'e ha'u husu de'it ida-ne'e para bele resolve lailais. Ninia impacto ne'e husi problema ida-ne'ebé horisehik Deputado balu questiona ne'e, ai-hun boboot sira iha Hali-Laran ne'e monu rabat, eletricidade quase mate total, tanba ne'e Governo precisa tau atenção ba ida-ne'e.

E eletricidade mate la'ós iha cidade Díli de'it, hanesan iha Baucau, Posto Quelicai, área Laisorulai ne'e mós eletricidade mate, quase loron tolu ona kalan mate lakan, nia impacto ne'e boot ba consumidor sira. Tanba ne'e husu ba Governo bele tau atenção didi'ak ba assunto ida-ne'e.

Ida seluk, iha-ne'e ha'u hakarak nafatin atu ko'alia, kona-ba processo construção estrada Venilale - Viqueque ne'e, comunidade Viqueque, depois de horisehik levanta iha fatin ida-ne'e, e Deputado balu sai defensor ba companhia, telefone quase barabarak mai, husu para tem que hapara companhia local ne'e. Nia la'ós companhia nacional ida, companhia local, tanba ninia material ne'ebé nia hodi halo serbisu ne'e carreta rua ho escavador ida de'it, e na'in rasik mós, momento ne'e, confessa ba Governo katak nia la iha capacidade duni.

Tanba ne'e husu, projeto ida-ne'e, construção estrada Venilale -Viqueque ne'e, tem que entrega ba companhia internacional, liuhusi osan empréstimo ne'e, tanba Viqueque mós iha direito atu goza empréstimo ne'e.

Tuirmai, hakarak mós atu ko'alia, ne'e hanesan experiência ida, uluk Orçamento Geral do Estado 2023, quando ita debate iha Parlamento Nacional, negociante sira rona dehan ita hasa'e taxa, ne'e folin sasán hotu-hotu iha quiosque no iha loja sira-ne'e sa'e hotu kedas dala ida, iha momento ne'e, maske orçamento geral de Estado seidauk promulga. Agora ne'e oin-seluk fali, debate la'o tiha ona, quase agora atu tama ona semana ida, sasán folin nunca tun, la iha impacto ho debate orçamento ne'e, ita hatún sasán taxa ne'e husi 5% tun ba 2,5% nia impacto la iha.

Agora, Governo nia resposta saida para hatún taxa ne'e? Para bele assegura comunidade, povo ki'ik sira ne'ebé durante ne'e iha ninia esperança ba Governo, katak hatún taxa ne'e resolve ona sira-nia problema, folin sasán ne'ebé karun iha mercado. Mas, to'o ohin ne'e sasán folin sa'e ba beibeik de'it, uluk foos saco ida 17,50 USD, agora sa'e tiha ona ba 18,50 USD, até iha fatin balu 20 USD tiha ona.

Ida seluk, hakarak mós atu ko'alia iha fatin ida-ne'e, liga ba transporte público sira, nia impacto ne'e boot tanba cidade Díli agora ne'e movimento transporte loron ba loron ne'e aumenta ba beibeik, engarrafamento mós aumenta ba beibeik. Maibé, iha motorista balu seidauk compreende kona-ba regras trânsito nian, balu para carreta ou motor arbiru de'it, ida-ne'e precisa Governo nia atenção mós, liuhusi polícia trânsito tem que halo *check point* ida intensivo ba fatin sira-ne'e. Até microlete sira balu para iha *zebra cross* leten, ita la hatene, ema balu atu ultrapassa, ita husi kotuk la hatene, bele resulta acidente ne'ebé ita la espera.

Ikusliu, husu ba IX Governo para bele tau atenção liu ba escola CAFE sira iha território tomak. Fofoun, escola CAFE ne'e ninia progresso ka desenvolvimento la'o di'ak loos, ema hotu sente contente ho escola CAFE ne'e, mas ikus-ikus ne'e nia começa hakiduk fali ba kotuk. Professor timoroan mak começa bá substitui filafali, sira mak hanorin barak liu fali, horário barak liu iha sala de aula, e língua ne'ebé sira usa, transmite, hodi hanorin ita-nia oan sira ne'e ho língua tetun fali, então la'ós avança ba oin mas ba kotuk fali, tanba ne'e mak husu Governo, tem que haree ida-ne'e. Karik bele, aumenta professor sira husi Portugal ou país língua portuguesa sira-ne'e karik, bele contrata sira para bele facilita di'ak liu escola ne'e, para bele la'o di'ak liután.

Ha'u hanoin, mak ne'e de'it.

Obrigado barak.

Sr.<sup>a</sup> **Presidente** (Maria Terezinha da Silva Viegas): — Obrigado, distinto Deputado.

A seguir, distinta Deputada Cedelízia dos Santos.

Se faz favor.

Sr.<sup>a</sup> **Cedelízia Faria dos Santos** (CNRT): — Muito obrigada, Presidente em exercício.

Ha'u-nia respeito no bom dia ba Ita-Boot, composição da Mesa, distinto Deputado sira hotu, membro Governo, maske Vice-Ministro la marca presença iha-ne'e, maluk rona-na'in, audiência no mídia sira hotu.

Ha'u iha questão tolu mak atu foti iha dadeer ida-ne'e:

Primeiro, ha'u atu husu ba Mesa relaciona ho ha'u-nia pedido ida-ne'ebé ha'u foti tiha ona kona-ba tau hela chave ba gaveta, ne'ebé ita precisa tebetebes, maibé to'o ohin loron seidauk realiza, ne'ebe ha'u husu filafali.

Ha'u hanoin katak Parlamento Nacional iha orçamento ne'ebé coloca ba manutenção. Ha'u haree, iha Portal de Transparência, Aquisição de Serviços Correntes, ita-nia execução foin 39,7% ne'e significa ita-nia orçamento iha hela, tanba ne'e mak ha'u fó-hanoin dala ida ba Mesa para, husi parte Secretariado, haree ba questão sira-ne'e.

Segundo, ha'u mós triste uitoan wainhira ha'u haree ita-nia ai-horis sira-ne'ebé kuda iha oin mate tiha hotu, ai-fuan sira-ne'e, ne'ebe ami husu mós ba Mesa atu tau matan ba questão ida-ne'e.

Terceiro, tanba ba oin ita atu halo ona plano ba OGE 2024 nian, ha'u hakarak fó-hanoin ba Mesa, tanba ha'u loroloron mai haree surat-tahan ne'ebé ita produz barak tebetebes, ita fotocopia, ha'u hatene katak Parlamento mós iha plano Parlamento verde ou digitalização e Governo mós iha programa ida-ne'e, karik ba oin ita lalika hola *laptop*, ita bele halo tuir Governo nian usa PC (*Personal Computer*) ka usa *computer* ki'ik ruma iha ita-nia mesa para loron-loron ita mai agenda ne'e ita bele loke de'it, sasán sira-ne'e hotu ita bele hatama iha laran para ita bele contribui mós ba «enviromento» ka ambiente verde ne'ebé iha ita-nia SDG (*Sustainable Development Goals*), ida-ne'ebé hatete katak ita contribui mós ba ambiente ne'ebé di'ak. Tanba ita hatene katak surat-tahan sira-ne'e ita foti husi ai-horis mak halo surat-tahan, se loroloron ita mai mak ita soe, soe, soe de'it, ha'u hanoin, ita, Parlamento rasik, mak la contribui ba «enviromento» Parlamento verde. Tanba ne'e mak ha'u husu, halo favor, karik ita halo plano 2024 nian, Mesa bele considera hela ida-ne'e.

Ita haree exemplo, iha Conselho de Ministros, ha'u hanoin, hotu-hotu mai iha hotu sasán sira iha-ne'ebá para usa. Se iha karik Deputado ida-rua mak ladún hatene usa sistema, ita iha DITIC (Divisão de Tecnologia e Informação e Comunicação) iha-ne'ebá, ita-nia técnico IT, ha'u hanoin, ita-

nia funcionário Parlamento matenek iha área ne'e, sira mós bele ajuda ita Deputado sira, primeiro mak difícil, mas ba oin bele di'ak ona.

E, ikusliu ha'u hakarak acrescenta iha-ne'e, ha'u hanoin katak ita Deputado sira hotu hatene katak ita-nia osan retificativo ne'e Presidente seidauk promulga tan, oinsá mak ita hatete ona katak sasán folin sira-ne'e tem que tun? Ita hatene hela processo, ita compreende muito bem, ita mak hakarak halo beik fali ita-nia povo. Ha'u hanoin, ne'e la loos ida, se bele, ita koko atu explica ba ita-nia povo.

Ita mós hatene katak *stock* tuan sira-ne'e sei iha. Maske promulga ona, maibé *stock* tuan sira-ne'e iha, ita-nia empresário sira mós sei tau hela questão ba ida-ne'e. Tanba ne'e mak ita lalika politiza sasán, ita hatene hela, Presidente seidauk promulga, seidauk publica iha *Jornal da República*, de repente de'it ita hakarak dehan sasán folin tun. Sasán folin ne'e sa'e tanba iha orçamento ida anterior ne'e hasa'e folin ne'e, ne'e mak nia impacto to'o hela agora ne'e.

Ne'ebe, ha'u hanoin katak ida-ne'e mak situação loloos, ita ko'alia loloos ba povo para bele compreende, Presidente seidauk promulga ida, sá tan publica iha *Jornal da República*. Ne'ebe ha'u fiar katak wainhira promulga – sasán *stock* sira-ne'e sei la'o – lailais buat sira-ne'e hotu sei normaliza filafali.

Tanba ne'e mak, hanesan Parlamento, hanesan Deputado, ita iha papel atubele fó-hatene informação loloos ba ita-nia povo.

Obrigada barak, Presidente.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinta Deputada.

Distinta Deputada Maria Angelina Sarmiento.

Se faz favor.

Sr.<sup>a</sup> **Maria Angelina Lopes Sarmiento** (PLP): — Muito obrigada, Sr.<sup>a</sup> Presidente, ba tempo.

Iha dadeer ida-ne'e ha'u atu halo intervenção ba assunto tolu:

Primeiro, ita-nia Governo, karik bele, avança ona hodi assina acordo ka *Air Service Agreement* ho China, tanba tuir informação ne'ebé ami rona, katak iha Governo anterior processo sira la'o ona, maibé parado tiha tanba iha mudança de Governo, ne'ebe sira husi parte China nian hein hela. Se *Air Service Agreement* ho China ne'e assina ona mak sei iha voo direto husi China mai Díli, e Díli bá China. E, ita hatene katak ne'e oportunidade negócio di'ak ida tanba iha Timor quase maioria ita-nia negociante sira husi rai-li'ur ne'e China mak dominante, e, karik sira haree ida-ne'e área importante ida-ne'ebé bele ajuda iha processo, atu nune'e sira viagem karik la precisa via Bali, maibé diretamente. Então, ho ida-ne'e mak ami husu atu IX Governo, se bele, apressa processo ida-ne'e, di'ak mós ba ita atubele iha voo alternativo sira seluk husi região Ásia nian.

Segundo, horisehik distinto Deputado sira balu ko'alia kona-ba estação combustível nian, ha'u preocupa mós kona-ba estação combustível, ne'ebé ita hotu hatene, haree, nia perigo ba movimento sira.

Exemplo mak hanesan estação combustível ETO, ho BNCTL, rua ne'e besik malu loos. BNCTL ne'e banco estatal ida-ne'ebé ita mós capitaliza ita-nia osan iha-ne'ebá, ita imagina, se acontece buat ruma, incêndio ruma iha ETO ne'ebá, ne'e BNCTL bá tomak, ne'e fácil loos. E, ita hotu, ema barak nia osan rai iha-ne'ebá, e karik acontece buat ruma, ne'e perigoso tebes, tanba ne'e mak ami husu ba ANPM (Autoridade Nacional do Petróleo e Minerais), se bele, halo fali avaliação, mesmo que ita atribui ona propriedade ida-ne'e ba BNCTL, mas se bem que ita halo filafali avaliação ba ida-ne'e, tanba rua ne'e la bele duni atu besik malu, ka distância besik malu iha fatin ne'ebá. Então, ami husu ba ANPM atubele halo fali avaliação ida, liuliu ba estação combustível sira iha Díli laran, no mós importante liu ba estação combustível ida ETO, ho BNCTL, tanba uluk, ida-ne'ebé Austrália mak kaer, ninia espaço ne'e ki'ik hela, mas agora, pelos vistos, ETO nian agora alarga tan ba to'o kotuk, sorisorin nian, ne'ebe, ha'u hanoin, ANPM, la hatene sira fó licença ne'e karik iha avaliação específica ruma ba ida-ne'e. Mas, tuir ema *awam* nia haree, ne'e perigo ba ema nia vida, perigo ba edifício sira-ne'e atubele seguro.

Terceiro, ko'alia mós kona-ba restos mortais, ha'u-nia questão iha-ne'e hato'o ba Governo atu tau atenção, liuliu ba restos mortais ne'ebé recolha tiha ona, maibé to'o agora seidak hatene sé nian. Recolha mais de seis anos ona, tau hela iha HNGV, mas to'o agora seidak deteta sé nian.

Iha-ne'e, hanesan exemplo, saudoso Sargento Aquilis, Ponciano no João de Lima, na'in-tolu nian ne'e ke'e hamutuk iha rai kuak ida, foti mai tau iha HNGV, depois halo ona teste DNA ho nia família sira iha Índia no Austrália, mas to'o agora seidak iha resultado, e família hein hela, hein kleur tebes atu hetan resposta, husi sira na'in-tolu ne'ebé hamutuk iha fatin ida, ne'e sé nian loos.

E tanba sira hakarak atu halo'ot ho digno tuir cultura Timor nian, e tanba to'o agora la iha resposta, então ami haree katak IX Governo ida-ne'e seguro ona, husu ba Ministério dos Assuntos Combatentes nian atu fó prioridade, e Sr. Ministro, desde uluk kedas ha'u comunica ho nia, nia a par ona ho ida-ne'e, ha'u hakarak reforça dala ida tan para bele iha atuação ida-ne'ebé séria ba questão ida-ne'e.

Ha'u hanoin, ida-ne'e mak ha'u hakarak hato'o iha dadeer ida-ne'e.

Obrigada, Sr.<sup>a</sup> Presidente.

Sr.<sup>a</sup> **Presidente** (Maria Terezinha da Silva Viegas): — Ponto de ordem iha rua, mas ha'u fó ba rua ne'e de'it, não vai haver mais pontos de ordem porque sei iha inscrição balu mak regista hela iha-ne'e.

Distinto Deputado José Virgílio, se faz favor.

Um minuto!

Sr. **José Virgílio R. Ferreira** (CNRT): — Di'ak, bom dia ba Presidente Parlamento Nacional no mós componente da Mesa, distinto e distinta Deputado sira.

Ha'u horisehik mós foti kona-ba assunto ne'ebé Deputado Anacleto hato'o ona, maibé ha'u husu ba IX Governo tem que tetu. Ha'u seidak sai defensor ba companhia ida, *apalagi* companhia ida local, *kasian!* Mas, Ita-Boot ha'u desconfia. Ita-Boot tuur iha-ne'e ne'e temi fali IX Governo tem que fó ba companhia internacional, ah, ida-ne'e mak ita questiona, Ita-Boot keta defensor ba companhia internacional sira-ne'e karik. Ne'ebe, Deputado, ko'alia sukat uitoan! Tanba povo Viqueque ne'e povo ita-nian hotu.

Depois, companhia ita labele halo discriminação, companhia local ne'e companhia nacional, timoroan, seidak ida temi dehan companhia local. Companhia ne'e atu local mós nia companhia nacional timoroan, nia iha capacidade para gere buat ne'e. Ne'e ha'u-nia hanoin.

VIII Governo mak hapara, tanba sistema imi bá sobu afeta ba setor privado sira, iha VIII Governo ne'e – hakarak ko'alia loloos hanesan ne'e – tanba ne'e mak companhia la continua. Se Governo hanoin atu bolu, Governo mós tem que tetu, ne'e mak horisehik ha'u-nia intervenção ne'e. Ha'u la defensor ba companhia, desculpa ba povo rona-na'in sira, povo Viqueque mak ha'u hadomi.

Sr.<sup>a</sup> **Presidente** (Maria Terezinha da Silva Viegas): — Obrigado, Sr. Deputado.

A seguir, distinta Deputada Veneranda Lemos.

Faz favor, um minuto!|

Sr.<sup>a</sup> **Veneranda Lemos Martins** (CNRT): — Obrigada, Sr.<sup>a</sup> Presidente Parlamento Nacional em exercício.

Ha'u, quando rona tiha Deputado ida ko'alia kona-ba escola CAFE agora la'o ba kotuk, professor sira hanorin ho tétum, ha'u preocupa!

Ha'u atu husu de'it: sasukat saida mak Deputado usa hodi dehan «escola CAFE la'o ba kotuk»? Ao passo que governação ida-ne'e foin mak la'o fulan ida ho balu. Karik atu dehan escola ne'e agora la'o ba kotuk, ita hotu la hatene dehan nia la'o ba oin ka la'o ba kotuk, então tem que mai kedas husi VIII Governo mak halo ida-ne'e. Neste momento, ha'u fiar katak Ministério da Educação seidak hasai nem professor ida husi escola CAFE ne'e, oinsá mak ita bele dehan escola ne'e hanorin fali de'it ho tetun?

Ida-ne'e mak ha'u-nia preocupação.

Obrigada.

Sr.<sup>a</sup> **Presidente** (Maria Terezinha da Silva Viegas): — Obrigada, distinta Deputada.

Ainda temos aqui muitos intervenientes para falar. Se ita ponto de ordem hela de'it, karik ita sei la sai husi ne'e.

Ba distinto Deputado Dário, ha'u sei fó tempo, mas ikus, tanba sei iha distinto Deputado lubuk ida mak atu intervém.

A seguir, Deputado Marcos Soares.

Se faz favor.

Sr. **Marcos Soares Martins** (CNRT): — Di'ak, obrigado ba oportunidade dala rua.

Ligado ho Timor-Leste adota sistema mercado livre, com certeza fó oportunidade ba negociante sira mai husi li'ur hodi bele hala'o atividade negócio iha Timor-Leste, ha'u hakarak soe hela de'it ba distinto e distinta Deputada sira no mós membro do Governo, se bele ita cria mecanismo ida atubele distingue, negociante sira mai husi li'ur ne'e sá de'it mak sira bele halo, no sira seluk timoroan mak bele halo.

Ha'u fó exemplo de'it, kona-ba restaurante ka *warung* sira Doyok ne'ebá ne'e, ne'e ita timoroan sira, quando ita bá iha festa, ita-nia inan sira te'in mós gosto, nu'usá mak sira labele te'in ba ita han? Será que ema rai-li'ur mak bele te'in buat ne'ebé ita bele halo?

Iha parte seluk, chinesa sira mós hakiak no fa'an fahi, ne'e timoroan mós bele halo.

Parte seluk, ita, quando la'o tun sa'e, ami mai husi foho bá quinto-canto sira-ne'e ema rai-li'ur mak mai suku roupa, ita-nia inan-feton sira mós bele suku, ita mós bele! Tanba ne'e mak ha'u, pessoalmente, recomenda ba ministério competente atubele buka mecanismo oinsá bele facilita timoroan sira-ne'ebé iha ona conhecimento ba te'in, conhecimento ba suku roupa, conhecimento ba hakiak fahi, facilita atu sira bele desenvolve sira-nia capacidade iha contexto ne'ebé ha'u menciona, ho nune'e ita-nia economia, ita-nia orçamento ne'ebé aprova tinan-tinan ne'e bele circula iha Timor laran, selae ita-nia osan aprova, sai hotu bá li'ur, ita, tinan ba tinan nafatin, marca passo iha fatin de'it.

Além de sira ohin ha'u temi, iha mós badaen ka carpinteiro ne'ebé halo janela, odamatan, sira-ne'e mós ema rai-li'ur barak, ita bele cria to'ok oinsá mak bele separa buat ne'ebé ita-nia maluk sira bele halo, no sira-ne'ebé ema rai-li'ur bele halo. Sira-ne'ebé boot, ne'ebé ita la bele halo ne'e mak ita bele fó ba sira, mas hakiak fahi mós sira bele hakiak ne'e, ha'u hanoin, Governo mós bele buka to'ok mecanismo atu fó solução, ho nune'e bele desenvolve economia rai-laran.

No mós, timoroan sira-nia talento ne'ebé iha, tanba timoroan barak hetan formação iha ESTV (Ensino Secundário Técnico-Vocacional), balu bele te'in, balu mós iha capacidade atubele te'in, ho nune'e ita bele usa atu ita-nia osan ne'ebé ita aprova labele sai ba li'ur.

Obrigado.



Sr.<sup>a</sup> **Presidente** (Maria Terezinha da Silva Viegas): — Obrigado, Sr. Deputado.

A seguir, distinto Deputado António Calau.

Faz favor.

Sr. **António Moniz Calau** (FRETILIN): — Obrigado ba oportunidade.

Respeito e boa tarde ba Presidente interina, composição da Mesa, colega Deputado sira hotu.

Primeiro, hakarak hato'o apreciação ba intervenção sira-ne'ebé ita-nia parte segurança halo ba ita-nia alin sira, pessoal ne'ebé halo violência iha bairro ida-rua iha ita-nia Rain, especial iha Díli, katak intervenções segurança ne'ebé adequado e rigoroso tebes. E ato sira-ne'ebé comete husi ita-nia alin sira, ne'ebé tama iha artes marciais, artes rituais, ne'e atos pessoais, la'ós organização mak orienta sira atu halo, e ita condena ato sira-ne'e, katak husi ato sira-ne'e hamosu insatisfação husi ita-nia inan-aman sira tanba perturba sira-nia hakmatek. Tanba ne'e, ita husu nafatin ba parte segurança atu halo atuação ne'ebé rigorosa e atuação ne'ebé ho digno.

Segundo, ita rona katak Governo atu suspende ita-nia organização artes marciais no artes rituais tanba ato sira-ne'ebé ita-nia ema ida-rua, alin sira ida-rua halo, e ohin ha'u dehan ona katak ato sira-ne'e la'ós organização mak orienta, ne'e significa katak ódio particular sira-ne'ebé ita-nia alin sira comete, e labele suspende atividades artes marciais no artes rituais iha Timor laran, tanba esforço lubuk ida-ne'ebé ita-nia maun alin sénior sira husi artes marciais no artes rituais halo hodi reativa atividade sira-ne'e. Ikusmai, tanba de'it ato husi ema ida ka rua husi membro sira depois ita atu suspende, ha'u hanoin katak ita mós hanoin halo didi'ak, tanba ne'e ita fó consideração ida ba sira hodi sira bele expressa sira-nia talento iha área arte.

Segundo, ha'u ko'alia uitoan kona-ba ita-nia vendedor ambulante sira iha Município Díli, katak iha semana ida rua ne'e nia laran ita haree katak Secretário de Estado da Toponímia e Ordenamento do Território, ho autoridade municipal de Díli halo atuação ou ordena, organiza ita-nia cidade Díli ne'e atu sai furak tanba ita-nia cidade ne'e capital da nação, e sira halo serbisu baseia ba Decreto-Lei n.º 33/2008, sira la halo buat arbiru, katak labele fa'an sasán iha *trotoar* leten, labele fa'an sasán iha jardim laran, tanba ne'e mak sai atua oinsá atu organiza.

Maibé, horisehik Presidente da República halo fali intervenção ba atividade sira ne'ebé ita-nia Governo halo, ita husu ba Presidente da República atu labele halo intervenção ba serbisu Governo ne'e ninian, ita condena!

Ita concorda ho Presidente katak labele duni ita-nia vendedor sira, maibé, husu ba Presidente atu labele intervém demais serbisu Governo ninian atu nune'e ita bele organiza, ordena ita-nia cidade Díli ne'e sai furak.

E, husu mós ba iha ita-nia vendedor sira atu fó contribuição tanba Díli ne'e ita-nian. Se ita la contribui hodi hadi'a, sé mak atu hadi'a?

E ikusliu, secunda camarada Dário ninian, katak loos duni, eletricidade mate começa horisehik 6h00 to'o horas ida-ne'e seidauk lakan, se bele, ita husu ba EDTL atu serbisu ho professional.

Ida-ne'e de'it mak ha'u hakarak hato'o, obrigado wa'in.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinto Deputado.

A seguir, distinta Deputada Lúcia Norberta.

Sr.<sup>a</sup> **Lúcia Norberta dos Santos** (FRETILIN): — Obrigada, Sr.<sup>a</sup> Presidente.

Iha dadeer kmanek ida-ne'e ha'u atu hato'o intervenção ida relaciona ho acontecimento ida mosu iha Díli, iha fim-de-semana ne'e, iha jovem na'in-rua baku alin ida ne'ebé portador moras mental.

Alin ne'e conhecido ho naran Mausale, nia hela iha Vila-Verde, fatin ne'ebé ha'u mós uluk hela ba, alin ne'e desde ki'ik kedas moras mental. Mesmo que bairro ida-ne'ebá iha distúrbio ou iha problema, ema nunca baku nia, maibé, infelizmente, iha fim-de-semana ida-ne'e, quando nia la'o sai, iha jovem balu kaer nia no baku nia, ita lamenta tebetebes ba ida-ne'e.

Tinan kotuk ita ratifica ona Convenção ba Ema ho Deficiência, iha convenção ne'ebá hatete momoos katak direito ema ho deficiência ne'e Estado tem que tane aas ba. Maibé agora, ita haree iha situação ida-ne'e, ita sugere, se bele karik, Estado halo disseminação ida di'ak kona-ba ida-ne'e.

E além de ida-ne'e, bainhira ema ida ne'ebé halo ka jovem sira-ne'ebé baku Mausale, nia iha problema mental sira hatene ona, sira bá baku, sira ne'e halo buat ida ema dehan crime público, e ita tem que condena ida-ne'e, ida-ne'e labele! Iha Rai ida-ne'e, ema ne'ebé moras mental mós iha direito para moris.

Tendo em conta que ita haree problema ne'e, quando mosu, iha ita-nia sociedade maioria condena, maibé iha ida rua ne'ebé dehan katak «husik ba, baku ba!» Ida-ne'e labele! Ho ida-ne'e mak ami hakarak fó mós parabéns ba PNTL tanba ho serviço ida-ne'ebé lais, consegue kaer duni autor rua ne'ebé baku Mausale, e iha fatin ida-ne'e ami mós hakarak husu ba INDICA (Instituto para a Defesa dos Direitos da Criança), se bele, halo servisu ida-ne'ebé intensivo, labele tuur de'it iha fatin.

Tinan-tinan ita aprova osan ba sira, maibé sira-nia servisu ida-ne'e ita la hatene, maluk portador ho deficiência sé mak atu haree. Haree hela ita-nia oan no ita-nia alin sira-ne'e la'o bá mai, depois halo nu'usá, ho nune'e mak ami recomenda, se bele, INDICA serviço ho chefe do suco sira, la'ós de'it iha Díli laran maibé mós Timor laran tomak, serviço, hodi nune'e bele identifica didi'ak ita-nia portador de deficiência sira ne'e mak sé-sé hodi bele halo tratamento. La'ós de'it tratamento ida-

ne'ebé tinan-tinan ka fulan-fulan Estado fó, apoio orçamento, subsídio ba maluk portador ho deficiência no idoso sira, maibé iha mós tratamento seluk ne'ebé Estado tem que halo.

Ami lamenta tebetebes ho caso Mausale ne'e tanba labarik-oan ne'e ha'u conhece iha bairro ida-ne'ebé ami hela ba. Às vezes, la'ó lakon tiha to'ó tiha iha Oe-Cusse ne'ebá, ema mai kaer fali, mas nia ema ida que, mesmo ho ninia moras mental ne'ebé iha, lori ksolok ba ema hotu-hotu. PNTL, F-FDTL, ema hotu-hotu sempre colega ho Mausale, la hatene, ida na'in-rua ne'e halo nu'usá maka bá baku ne'e? E ita ne'ebé Maromak fó ita-nia liman ain completo, ita-nia kakutak ne'e mós ida racional ne'e, ema ne'e ko'alia sala karik mós ita labele bá baku nia tanba nia moras mental. Ita hatene tiha ona, ita bá baku tan, então ita mak halo pecado liu no ita mak moras mental maka'as liu fali. Ne'ebe, se bele karik, husu ba PNTL sira kaer ona, coordena ho *VPU (Vulnerable Person Unit)* hodi nune'e bele fó atendimento ida que di'ak ba Mausale, nune'e ema seluk labele halo beibeik ba nia, fó atendimento ida di'ak.

No INDICA mós, haree ho didi'ak kona-ba questão ida-ne'e, acompanha nafatin caso ida-ne'e! La'ós de'it ba Mausale ida-ne'e, maibé mós iha Mausale sira seluk ne'ebé iha Timor laran ne'e barak, INDICA, se bele karik, haree didi'ak ona ba caso ida-ne'e.

Mak ne'e de'it, obrigado.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinta Deputada. Tuirmai, distinto Deputado Luís Roberto. Faz favor.

Sr. **Luís Roberto** (KHUNTO): — Obrigado, Sr.<sup>a</sup> Presidente Parlamento Nacional.

Bom dia ba Ita-Boot, Vice, membro da Mesa tomak.

Bom dia mós ba colega Deputado ho Deputada sira no ba povo doben Timor-Leste.

Iha-ne'e, ha'u iha assunto rua atu hato'o:

Primeiro, mak kona-ba ita-nia maluk sira-ne'ebé agora daudauk moras rins ne'e barak demais iha Hospital Guido Valadares ne'ebá ne'e, to'ó fatin atu baixa mós la iha. De vez em quando fatin VIP sira-ne'e mós nakonu hotu, ita husu ba ema dehan katak «*ema pesan tiha ona, booking tiha ona*», hanesan fali hotel ne'ebé ema *booking* tiha hotu ona, ne'ebe ita-nia comunidade sira ne'ebé, hanesan buat ida karik, osan la iha atu *booking* ne'e, coitado! Tuur ho soru de'it iha li'ur, depois mangueira mós sira habit hela de'it iha sira-nia kalilin okos, ne'ebe ha'u haree ba situação ida nune'e, ha'u lamenta tebetebes. Ha'u, horisehik, bá iha-ne'ebá tanba ha'u-nia biin moras iha-ne'ebá be halo operação, husu fatin ida, dehan «*booking tiha ona*», husu fali fatin seluk dehan mai mós «*booking tiha ona*», liafuan *booking* ne'e mak halo ita hanesan trauma uitoan, tanba hospital ne'e hanesan fali hotel ruma be dehan *booking*, ne'ebe liafuan *booking* ne'e tuir loos la merece iha Hospital Guido Valadares ne'e.

Husu mós ba serviço BTL, halo to'ok análise di'ak ida, e Ministério Saúde mós, tanba quase Díli laran ne'e maioria ne'e moras rins, bee ne'ebé ita-nia comunidade consumo iha Díli laran ne'e *kapur* barak liu karik, ne'ebe, precisa halo estudo kle'an ba ida-ne'e. Tanba labarik bebé-oan foin mak moris mós rins kona hotu ona ne'e tanba saida? Ita precisa haree ba ida-ne'e, ne'ebe husu ba Ministra Saúde, coopera hamutuk ho BTL, haree didi'ak ba ida-ne'e.

Tuirmai, iha semana hirak liubá ha'u dada lia ho ita-nia Presidente Autoridade Município Díli kona-ba ida agora dehan gestão de mercado ne'e. Ne'e capaz no começa la'ó didi'ak ona, ne'ebe ita-nia comunidade sira mós compreende ona, la fa'an ona sasán iha *trotuar* leten, agora mosu fali mak chinesa sira, china sira-ne'e começa sobu filafali *trotuar* ne'ebé ita la'ó ain iha leten ne'e, sira sobu, depois *cor* metin tiha, sira halo uma ne'e nia tatiis mai to'o iha estrada. Ida-ne'e mós ita precisa haree, ita-nia Presidente da Autoridade tem que coopera hamutuk ho Governo, liuliu Obras Públicas, para haree ba ida-ne'e, tanba sira-ne'e, ha'u haree, halo tuir fali sira-nia hakarak mak ne'e. Ita haka'as mak timoroan, maibé china sira sobu *trotuar* sira-ne'e to'o *cor* filafali, depois halo uma nia tatiis ne'e mai to'o tiha iha estrada ibun, ne'e ita precisa haree mós.

Claro que ita-nia IX Governo ne'e nia Orçamento Retificativo mós seidauk hetan promulgação, maibé ha'u fiar katak ida-ne'e la'ós foin mak acontece. Iha Governo anterior mós ha'u ko'alia ida-ne'e, mas ha'u la hatene nia execução ne'e, implementação ne'e, Parlamento ko'alia ne'e hanesan ko'alia hela de'it, sira rona husi sorin sai fali husi tilun hun sorin, ne'ebe la hatene.

Ida mak kona-ba estrada ne'e, ita hotu-hotu, de vez em quando liuhusi Fatuhada, iha Quartel-Geral F-FDTL nia oin ne'e *asfal* ne'e bele junta ho cimento, ne'e bele metin ka? Ha'u la compreende, agora *asfal* ne'e sira ko'a tiha, fui fali ho cimento, bele tahan ka la tahan? Ida-ne'e mak, técnico sira, ha'u mós la compreende, ne'ebe carreta halai bá mai ne'e, semana ida ka rua de'it nia nakloke fali ona.

Depois, sira husi bee moos ne'e mós hanesan, dala ruma kanu ruma tohar iha estrada klaran, sira ko'a, mas ko'a tiha, estrada ne'e mós husik ku'ak hela hanesan ne'e, depois carreta tama ba ne'e kle'an ba beibeik, halo labarik sira halai motor ne'e balu hetan acidente to'o tohar tan. Ita precisa haree mós ba ida-ne'e.

Ne'ebe, ha'u husu ba Obras Públicas ne'e, técnico sira iha-ne'ebá barak loos, mais ou menos hanesan *asfal goreng* ne'e bele kaer malu ho cimento ka lae? Selae Díli laran ne'e ita hanesan fali taka *Handiplas*, kota metropolitano mas sai tiha fali kota saida mak ne'e. Ha'u-nia Baucau di'ak liu fali, Presidente, ne'ebe, mais ou menos iha Díli laran ne'e hadi'a di'ak uitoan ba, para ema liu bá mai karik mós ema sei dehan «Kota metropolitano ne'e capaz duni», selae mak ema haree ita ema sei hamnasa fali.

Obrigado.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinto Deputado.

Ikusliu, distinta Deputada Mariquita Soares.

Se faz favor.

Sr.<sup>a</sup> **Mariquita Soares** (FRETILIN): — Bom dia, Presidente Parlamento em exercício ho composição da Mesa, colega Deputado no Deputada sira.

Ha'u-nia intervenção dadeer ida-ne'e, primeiro, atu ko'alia kona-ba educação.

Ita-nia oan ka ita-nia juventude sira-ne'ebé escola iha foho ho distância ne'ebé dook tebes, dala ruma sira la'ó 3 km ka 6 km hanesan ne'e bá escola, tanba ne'e mak, iha momento ida-ne'e, ha'u hakarak atu recomenda ba IX Governo atu tau atenção ba sira hanesan ne'e: Exemplo, karik sira bele prepara acomodação ruma para sira ne'ebé ho distância dook bele bá hela iha fatin acomodação para bele acesso ba escola, tanba dala barak sira-ne'ebé escola, mai hela ho família sira, ladún seguro hodi foco ba escola

Segundo, ha'u secunda saida mak Deputado Calau hatete, katak Presidente nia intervenção ne'ebé nia halo ba serbisu ne'ebé segurança civil sira halo iha Tibar, loloos ne'e Presidente coordena ho Governo atubele haree ba assunto, serbisu sira hanesan ne'e, labele Presidente halo intervenção direta katak «ida-ne'e la di'ak, serbisu ida-ne'e la di'ak», maibé ita precisa, tem que hatene katak dalan ne'ebá mai iha Díli laran ne'e dalan protocolo. E, nune'e mós ita precisa haree, hanesan ohin Deputada dehan, katak Díli ne'e tem que furak duni, cidade ne'ebé di'ak duni para ema hotu-hotu bele haree, tanba ne'e mak ha'u hanoin katak precisa coordenação di'ak iha serbisu sira hanesan ne'e.

Ikusmai, atu hatete de'it katak ohin ha'u rona «sasán folin ne'e tun bainhira Presidente promulga tiha OR», tanba ne'e, ha'u hanoin, ida-ne'e ha'u anota hela e espera katak bainhira Presidente promulga ona, sasán nia folin bele tun.

Ha'u hanoin, ida-ne'e de'it mak ha'u hakarak hato'o e muito obrigada.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinta Deputada.

Ohin ha'u dehan ikus ona, mas afinal sei iha ikus liu ida tan.

Distinto Deputado Natalino dos Santos, faz favor.

Sr. **Natalino dos Santos Nascimento** (CNRT): — Obrigado ba tempo, Sr.<sup>a</sup> Presidente.

Ha'u foti liman hori ohin mas foin mak bolu, mas la buat ida.

Ha'u hakarak foti iha intervenção ne'e kona-ba assunto rua:

Primeiro, kona-ba Posto UPF (Unidade de Patrulhamento da Fronteira) ne'ebé halo iha Mota-Ain, Sakato ho Saburai. Posto UPF ne'e constrói husi companhia local quase besik tinan tolu ona abandonado hela, tanba ne'e atu bolu atenção, katak cada posto ne'e quase trezentos e tal mil, maibé projeto ne'e halo e to'ó oin loron soe hela.

Nune'e mós, uma sira-ne'e halo ho zinco, ida-ne'e perigo tebetebes. Bainhira atu fó sasán ba hadi'a uma ba ita-nia agente polícia sira atu hela, atu serbisu, ita tau zinco ne'e perigoso, quando *konslet* ruma ne'e perigoso tebetebes, e, quando iha loromanas ne'e manas, tanba ne'e atu husu ba ministério tutela ka Ministério Interior, karik projeto ne'e Ministério Interior nian ou Ministério das Finanças nian, atu haree para depois bele bolu atenção ba companhia ne'e, quase besik tinan tolu ona e abandonado hela.

Segundo, ha'u mós lamenta tebetebes quando ita haree filafali ba Lei Investimento ne'e porque loke dalan tebetebes, agora daudaun, iha Timor laran tomak, to'o suco no posto sira quase chinesa mak domina. Sira bá halo quiosque que loloos timoroan mós bele, maibé sira halo to'o iha-ne'ebá ona. Aat liu mak sira bá halo contrato ka aluga rai povo nian, e rai boboot aluga ho 100 USD cada fulan ho tinan ne'ebé naruk, ida-ne'e precisa ita atu tau atenção e atu haree filafali para depois ita-nia povo ne'e labele sai vítima.

Tuir informação, quase sira na'in-25 mil mak agora iha-ne'e. Se sira mai halo investimento boboot atu loke campo de trabalho ba timoroan, la iha problema! Mas, sira mai loke quiosque, que agora to'o ona sucos, ne'e sai preocupação boot. Fará mais, hanesan ohin iha intervenção, ita atu loke voo China mai Timor, ida-ne'e problema boot, aban-bainrua sei fó impacto boot, katak quando voo direto, ita hatene muito bem chinês sira-ne'e *businessman*, fatin ne'ebé di'ak ba sira, iha-ne'ebá mak sira sei mai, tanba ne'e ha'u la aceita dehan voo direto ne'e Governo atu haree. Tanba sá mak VIII Governo uluk lakohi halo e agora husik para IX Governo mak tem que haree assunto ida-ne'e? Ne'ebe, ha'u-nia preocupação, se loke voo direto, implica mós orsida quiosque sira-ne'e sei tama to'o aldeias no bairros iha Timor laran tomak e ita-nia povo mak sei sai vítima.

Ikusliu, aprecia ba Secretaria de Estado da Toponímia ho Município Díli nian ne'ebé ita haree katak hadi'a ona cidade Díli, furak, e, loloos buat ne'e atua tiha ona, karik iha altura ne'ebá implementa Lei Código Estrada, polícia sira hamriik iha estrada, ita-nia inan-aman sira, população sira mós sei la bá fa'an iha *trotuar* leten. Maibé, às vezes mós condições mercado mak la permite, tanba ne'e husu ba IX Governo atu haree to'ok, halo ona mercado iha parte leste, parte oeste no parte central nian para nune'e ita-nia inan-aman sira mai husi foho, mai husi centro sul ka centro norte bele iha norte, sira-ne'ebé mai husi oeste bele iha oeste, sira-ne'ebé mai husi leste bele mai fa'an ona sasán iha-ne'ebá para evita concentração iha Díli. E, fatin, mercado nia condições mós la di'ak, então hakarak ka lakohi sira buka sira-nia moris, iha possibilidade iha fatin ne'ebé sira atu fa'an ba sira fa'an. Mas, quando ita tau regras, ita tau condições mak sasán sira hanesan ne'e la mosu. Maibé ita haree katak IX Governo começa iha iniciativa ona atu hadi'a cidade Díli, ita aprecia serbisu sira-ne'e.

Ha'u sente, ida-ne'e de'it mak hakarak hato'o iha biban ida-ne'e.

Obrigado.

Sr.<sup>a</sup> **Presidente** (Maria Terezinha da Silva Viegas): — Obrigada, distinto Deputado.

Molok atu bá intervalo, ha'u sei fó ponto de ordem ba distinto Deputado Dário Madeira.

Um minuto, Deputado!

Sr. **Dário Madeira** (FRETILIN): — Obrigado ba tempo.

Primeiro, ha'u-nia intervenção ohin ne'e la insulta ema ida, só que iha membro Governo mós la iha-ne'e, maibé representante membro Governo balu tuur hanesan Deputado iha-ne'e ohin fó resposta ona.

Primeiro, liga ba sasán folin sa'e, ne'e normal tiha ona, tinan-tinan, debate orçamento la'ó quando sa'e uitoan, sira hasa'e sasán nia folin. Só que ida agora ne'e hanesan ha'u admira uitoan, ita hatún taxa, sasán seidauk tun. Mas, ho explicação representante membro Governo sira ohin ko'alia ona ha'u agradece, Presidente promulga, sasán folin bele tun ona. Obrigado ba ida-ne'e.

Segundo, ha'u mós hakarak atu ko'alia, escola CAFE ne'e hakiduk ba beibeik, tanba ne'e mak ha'u, hanesan representante povo, husu ba Governo atu hadi'a. Ne'e sala saida para imi tem que hatán? Husu fali sasukat, husu ba Ministra para buka nia sasukat tanba saida mak hakiduk ba kotuk, para hadi'a, e ha'u iha-ne'e, hanesan Deputado, husu Governo atu hadi'a ida-ne'e. *Emangnya* IX Governo ne'e imi-nian ka povo nian atu ukun povo?

Ikusliu, ha'u hakarak atu ko'alia, ha'u conhece di'ak liu companhia local ne'ebé serbisu iha estrada iha Larigutu. Ha'u la'ós defensor ba companhia internacional, maibé ha'u husu direito povo Viqueque nian ne'ebé uluk VIII Governo mak declara, halo lançamento estrada troço ida Aselaitula ba to'ó Viqueque ne'e companhia internacional mak halo, tanba saida mak companhia local bele nani fali iha klaran ne'e? E, momento ne'e ha'u declara iha fatin ne'e hanesan Deputado, Deputado Agio, Deputado sira seluk iha-ne'e hatene, quase dala ruanulu-resin, to'ó ha'u-nia mandato hotu, ikusmai consegue hapara nia e povo Viqueque contente ba companhia internacional para acelera estrada, la'ós tanba *Covid* de'it mak nia lakohi serbisu, la *Covid* mós nia la serbisu duni iha fatin ne'e. Momento ne'e ha'u husu tiha ona atu halo investigação ba chefe ka diretor sira-ne'ebé momento ne'e fó projeto ne'e ba nia, sasukat saida?

Obrigado barak.

Sr.<sup>a</sup> **Presidente** (Maria Terezinha da Silva Viegas): — Obrigada, distinto Deputado.

Tuirmai, ponto de ordem husu distinta Deputada Cedelízia dos Santos.

Faz favor.

Sr.<sup>a</sup> **Cedelízia Faria dos Santos** (CNRT): — Muito obrigada, Sr.<sup>a</sup> Presidente, mais uma vez.

Presidente, ha'u haree iha calendário aban ne'e ita tama ba dia 30 de Agosto, Loron Referendo nian, loron ida importante tebetebes bainhira iha 24 anos liubá, ita hotu, ho brani tebes, bá exerce ita-nia papel hodi vota ba ita-nia ukun rasik an ida-ne'e. Maibé, ita la hatene atu comemora duni ka lae, tanba ne'e mak ha'u hakarak fó-hanoin hela, fó parabéns ba ita-nia povo doben Timor-Leste ba Loron Referendo, dia 30 de Agosto ne'e.

Ha'u hanoin katak ita-nia papel mós tem que fó-hanoin beibeik ba ita-nia juventude sira para bele hatene katak dia 30 de Agosto ne'e loron ida importante ba ita-nia Nação, tanba ne'e mak ha'u hato'o ha'u-nia parabéns ba povo doben Timor-Leste, ba ita sira-ne'ebé uluk vota iha dia 30 de agosto iha 1999, ba mós ita-nia maluk sira-ne'ebé, mas que vota ona, maibé ohin loron la bele goza hanesan ita, então parabéns ba sira.

Ikusliu, Sr.<sup>a</sup> Presidente, ha'u hakarak dehan de'it, Sr. Deputado ida-ne'e, la hatene, nia hatene processo orçamento ka lae? Orçamento ne'e retifica tiha lai ka, publica tiha lai ka. Agora Ita-Boot mai ko'alia fali Ita-Boot nian ne'e, ita mak halo tiha lei depois ita mak la compreende fali ne'e halo nu'usá? Ha'u triste boot.

Obrigada.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinta Deputada.

Ha'u la loke tan ona ba intervenção, inscrição ka ponto de ordem. Ha'u husu desculpa, tempo to'o ona ba intervalo, maibé ha'u husu ba membro do Governo nia representante ka Vice-Ministro nia técnicos e *staff*, assessor sira, ne'ebé ohin marca presença iha Plenário ida-ne'e, iha assunto no questão barak mak distinto Deputado sira foti, ha'u husu favor ba Ita-Boot sira atu hato'o ba Vice-Ministro atu fó resposta ba preocupações ne'ebé Deputado sira foti iha sessão ohin nian.

No mós ba comissão sira, ha'u husu favor atu tau fiscalização de perto ba assunto ne'ebé ohin distinto Deputado sira foti, em concreto, liuliu ba Comissão F, tem muito trabalho a fazer e acompanhar de perto serbisu Governo nian.

Ho ida-ne'e, ita *break* ba *snack*, ita filafali 11h50 atu conclui ita-nia Ordem do Dia.

Muito obrigada.

*Horas hatudu tuku 11 liu minuto 35.*

Sr.<sup>a</sup> **Presidente** (Maria Terezinha da Silva Viegas): — Boa tarde ba distinto Deputado sira hotu.



*Horas hatudu tuku 12 liu minuto 16.*

Desta vez a Mesa também *on time*, a bancada da oposição também *on time*, infelizmente a bancada do Governo mak husu hela tempo 10 a 15 minutos atu iha encontro da bancada.

Mas, pelos vistos, têm cá dois Deputados da Bancada do CNRT, ho nune'e, ita poupa tempo, ainda temos aqui agenda da Ordem do Dia, «Assentimento à deslocação de Sua Excelência o Presidente da República a Cuba e Nações Unidas» no mós «Votação do pedido de autorização para Sr.<sup>a</sup> Deputada Maria Fernanda Lay prestar declarações...» no mós ikusliu «Eleição de um membro para a Comissão da Função Pública».

Se Plenário permite, ha'u entrega ba distinta Secretária da Mesa atu halo leitura ba carta pedido do Presidente da República.

Halo leitura lai, depois sei iha apreciação ba carta pedido do Presidente da República molok ita tama ba votação, aguardando a Bancada do CNRT, caso permitem.

Halo favor, Sr.<sup>a</sup> Secretária.

Sr.<sup>a</sup> **Presidente** (Maria Terezinha da Silva Viegas): — Halo favor, bele halo leitura de toda esta carta do Chefe da Casa Civil.

Faz favor.

Sr.<sup>a</sup> **I Vice-Secretária da Mesa** (Bendita Moniz Magno): — «Excelência Sr.<sup>a</sup> Presidente do Parlamento Nacional.

Assunto: Encaminhamento de despacho

Substituição de ofício de encaminhamento de 22 de agosto de 2023, relativo ao Pedido de Conhecimento Prévio para a Realização de Deslocações Presidenciais ao Exterior, para o período compreendido entre setembro e dezembro 2023.

O Gabinete da Chefe de Casa Civil da Presidência da República apresenta a Vossa Excelência os melhores cumprimentos e tem a honra de encaminhar, para os devidos efeitos, um ofício assinado por S. Ex.<sup>a</sup> o Presidente da República, em 25 de agosto de 2023, sobre a Substituição do Ofício de Encaminhamento de 22 de agosto de 2023, relativo ao Pedido de Consentimento Prévio para a Realização de Deslocações Presidenciais ao Exterior, para o período compreendido entre setembro e dezembro de 2023.

Ciente de atenção, merecimento e aceitação de Vossa Excelência, aproveito a oportunidade para apresentar o protesto da minha elevada estima e consideração.

Chefe de Casa Civil,  
Dr.<sup>a</sup> Jesuína Maria Ferreira Gomes».

«Respeitada Presidente,

No seguimento de um encontro realizado com S. Ex.<sup>a</sup> a Embaixadora da República de Cuba em Timor-Leste, a Senhora Grisel Alina Aldama Innis, no dia 22 de agosto de 2023, durante o qual foi apresentada uma insistência das autoridades cubanas e justificações sobre a elevada importância e interesse da participação do Chefe de Estado Timorense na Cimeira de G77+ China, prevista entre 15 e 16 de setembro de 2023, em Havana, Cuba; e

Tendo em consideração a decisão de cancelamento da participação de S. Ex.<sup>a</sup> o Presidente da República na 43.<sup>a</sup> Cimeira da Associação das Nações do Sudeste Asiático (ASEAN), prevista entre 02 e 07 de setembro de 2023, em Jakarta, Indonésia, a qual será liderado por S. Ex.<sup>a</sup> o Primeiro-Ministro.

Face ao imposto, venho, por este meio, submeter ao Parlamento Nacional, em substituição do meu ofício emitido em 22 de agosto de 2023, uma nova versão atualizada do pedido de consentimento prévio para a realização de deslocações presidenciais ao exterior, de acordo com o calendário abaixo indicado, nos termos e para os efeitos previstos pelo n.º.1 do artigo 80.º e da alínea *h*), do n.º 3, do artigo 95.º, ambos da Constituição da República Democrática Timor-Leste, nomeadamente:

Deslocações de natureza oficial:

1. Participação na Cimeira do G77+China, prevista entre 12 e 16 de setembro de 2023, em Havana, Cuba;
2. Participação na 78.<sup>a</sup> de Sessão da Assembleia Geral da Organização das Nações Unidas (ONU), prevista entre 17 e 24 de setembro de 2023, em Nova Iorque, nos Estados Unidos da América;
3. Deslocação em Visita Oficial de trabalho à Sede do Programa Alimentar Mundial (*World Food Programme – WFP*), prevista entre 05 e 06 de outubro de 2023, em Roma, na Itália;
4. Deslocação em Visita de Estado aos Emirados Árabes Unidos (EUA), incluindo a participação no *Global Leaders' Investment Summit*, prevista entre 13 e 18 de outubro de 2023, no Dubai, nos Emirados Árabes Unidos (EUA);
5. Deslocação em Visita de Estado a Brunei Darussalam, prevista entre 05 e 08 de novembro de 2023;
6. Deslocação em Visita de Estado às Filipinas, prevista entre 9 e 12 de novembro de 2023;
7. Deslocação em Visita de Estado ao Vietname, prevista entre 20 e 24 de novembro de 2023;
8. Participação na 28<sup>th</sup> *Conference of the Parties to the UN Framework Convention on Climate Change (COP28)*, previsto entre 01 e 02 de dezembro de 2023, no Dubai, nos Emirados Árabes Unidos (EUA);

9. Deslocação em Visita de Trabalho ao Reino da Jordânia, entre 03 e 05 de dezembro de 2023 em Amman, na da Jordânia;

10. Participação na Cimeira entre a Associação das Nações do Sudeste Asiático (ASEAN) e o Japão (*ASEAN-Japan Commemorative Summit*), prevista em 12 de dezembro de 2023, em Tóquio, no Japão.

Deslocações de natureza privada:

1. Deslocação em Visita Privada para a participação na Cerimónia Solene de Atribuição do «*Prize Maria Teresa di Borbone di Parma, Hope in Humanity*» e participação na Cimeira com o título *Building Bridges Summit*, previstas entre 04 e 05 de outubro de 2023, em Genebra, na Suíça;

2. Deslocação em Visita Privada para participação em eventos de angariação de fundos para apoiar escolas de língua inglesa em Timor-Leste, previstas entre 19 e 20 de outubro de 2023, em Sidney, na Austrália.

Ciente da atenção, merecimento e aceitação de Sua Excelência Senhora Presidente do Parlamento Nacional, aproveito o ensejo para apresentar o protesto da minha elevada estima e consideração.

Presidente da República,  
José Ramos Horta».

«Projeto de Resolução n.º 4/VI(1ª) - Deslocação do Presidente da República a Havana entre 12 e 16 de setembro de 2023.

Sua Excelência,

O Presidente da República dirigiu mensagem ao Parlamento Nacional a solicitar assentimento para se deslocar, em visita de Estado, a Havana, Cuba, entre 12 e 16 de setembro de 2023, a fim de apresentar na Cimeira de G77+China, tendo-a obtido por deliberação do Plenário do Parlamento Nacional, tomada em 29 de agosto de 2023.

Assim, o Parlamento Nacional resolve, nos termos do n.º 1 do artigo 80.º, e da alínea *h*) do n.º 3 do artigo 95.º da Constituição da República, dar assentimento à deslocação do Presidente da República em visita de Estado a Havana-Cuba, entre 12 e 16 de setembro de 2023.

Aprovada em 29 de agosto de 2023.

A Deputada proponente,  
Deputada Maria Terezinha Viegas».

«Projeto de Resolução n.º 5/VI(1.ª) - Deslocação do Presidente da República a Nova Iorque entre 17 e 24 de setembro de 2023.

Sua Excelência o Presidente da República dirigiu mensagem ao Parlamento Nacional a solicitar assentimento para se deslocar em visita de Estado a Nova Iorque, Estados Unidos da América, entre 17 e 24 de setembro de 2023, a fim de participar na 78.ª Sessão da Assembleia Geral da Organização das Nações Unidas (ONU), tendo-a obtido por deliberação do Plenário do Parlamento Nacional, tomada em 29 de agosto de 2023.

Assim, o Parlamento Nacional resolve, nos termos do n.º 1 do artigo 80.º, e da alínea *h*) do n.º 3, do artigo 95.º da Constituição da República, dar assentimento à deslocação do Presidente da República, em visita de Estado, a Nova Iorque, Estados Unidos da América, entre 17 e 24 de setembro de 2023.

Aprovado em 29 de agosto de 2023.

A Deputada proponente,  
Maria Terezinha Viegas».

Sr.ª **Presidente** (Maria Terezinha da Silva Viegas): — Muito obrigada, Sr.ª Secretária.

Projeto de Resolução 4 e 5 Mesa apresenta em virtude da carta ne'ebé hato'o husi Presidência da República relativa à deslocação ne'ebé hahú husi setembro a dezembro, maibé iha conferência dos líderes das bancadas lima ne'ebé iha assento parlamentar, concorda hamutuk katak ita la fó assentimento dala ida de'it, ita fó por cada viagem. Ho nune'e mak husi Mesa apresenta projeto de resolução rua ne'e incide ba duas viagens ne'ebé monu iha setembro nia laran.

Ho nune'e, ha'u fó ba distinto Deputado sira atu halo apreciação ba carta ne'ebé hato'o husi Presidência da República.

Faz favor, Presidente da Bancada da FRETILIN.

Sr. **Aniceto Longuinhos Guterres Lopes** (FRETILIN): — Obrigado, Sr.ª Presidente em exercício, maluk Deputado sira.

Buat ki'ikoan ida, iha Conferência do Líderes das Bancadas ami corrige tiha ona, iha-ne'e hakerek «12 e 16», ha'u-nia fraco português ne'e 12 e 16 ne'e quer dizer viagem rua, dia 12 ida e 16 ida tan, parece 12 a 16, assim também ida seluk 17 a 24 de setembro.

Corrige ida-ne'e de'it, Sr.ª Presidente, la iha buat ida. La hatene sé mak halo texto ne'e.

Obrigado.

Sr.<sup>a</sup> **Presidente** (Maria Terezinha da Silva Viegas): — Sei iha distinto ruma atu inscreve?

Se la iha, ha'u responde kedas ba preocupação ne'ebé hato'o husi Presidente da Bancada da FRETILIN.

Sim, de facto iha líder bancada liubá, observação ida-ne'ebé Deputado hato'o, ami consulta ho ita-nia jurista sira – karik português ne'ebé ita hotu iha fraco conhecimento, entendimento, Mandati rasik foti iha líder bancada – katak «entre 12 e 16», ho nune'e mak ami mantém texto hanesan saida mak hato'o iha-ne'e. No mós ami la to'o haruka carta ba Presidência da República tanba ho explicação ne'ebé husi ita-nia jurista sira hato'o, ne'ebe carta ne'e está bem redigido, ho nune'e mak ami la iha correção ba carta ne'ebé hato'o mai.

Distinto Deputado Mandati, karik iha observação ruma, faz favor.

Sr. **David Dias Ximenes «Mandati»** (FRETILIN): — Ha'u la husu ida, Ita-Boot fó mai kona-ba saida nian.

Obrigado, eu não entendi o quê é que a Dr.<sup>a</sup>...

Sr.<sup>a</sup> **Presidente** (Maria Terezinha da Silva Viegas): — Tuirmai, distinto Deputado Aniceto Guterres.

Sr. **Aniceto Longinhos Guterres Lopes** (FRETILIN): — Obrigado.

Redação português ne'e parece loos tanba antes data ne'e iha «entre», não é? «entre 12 e 16», mas Parlamento tem que decide data ne'ebé fixo, labele dehan «entre». Se dehan «entre 12 e 16» ne'e, nia bele sai dia 13, nia bele sai dia 15 mós, então ita hola decisão ida la fixa, tanba, nia consequência, ita hakarak hatene loloos Presidente husik hela país ne'e sá data loos. Ne'e mak ha'u-nia problema. Ha'u-nia problema, ita tem que fixa o Chefe de Estado nia ausência ne'e começa husi ne'ebé to'o ne'ebé, to'o data hira, ita tem que fixa. Então, se la'o tuir ida-ne'e, lógica ida-ne'e, hasai tiha liafuan «entre», então «12 a 16», só isso. Mas, labele tau «entre» para depois iha-ne'e «e» de'it, depois Presidente mak orsida halo gestão nia bele sai dia 13, dia 15, ita la hatene.

Obrigado, Sr.<sup>a</sup> Presidente.

Sr.<sup>a</sup> **Presidente** (Maria Terezinha da Silva Viegas): — A seguir, distinto Deputado Antoninho Bianco.

Se faz favor.

Sr. **Antoninho Bianco** (FRETILIN): — Obrigado, Sr.<sup>a</sup> Presidente em exercício.

Boa tarde ba colega sira hotu.

Ha'u haree fali horário viagem barak husi Presidente nian ne'e, iha n.º 1 ne'e mak hatete confusão, ne'e Presidente rasik mak tem que esclarece. Se líder sira mós, representante Governo, la esclarece, ita hotu la esclarecido. Ha'u hanoin, líder bancada iha momento ne'e, depois Sr. Presidente ou representante Governo, esclarece buat ruma ka lae? Tanba «participação na Cimeira do G77+China, prevista entre dia 12 e 16 de setembro de 2023 em Havana, Cuba», Havana e Cuba, fatin rua. Tanba virgula ne'e, então Havana ne'e ida, Cuba ne'e ida fali. Karik acontecimento ne'e iha Havana ida, iha Cuba ida, então bele acontece! Maibé, ha'u hatene, quando ko'alia Cuba, iha Havana, ne'e ha'u entende, maibé virgula sira-ne'e mak confusão, acontece fatin rua karik. Tanba ne'e, ha'u hanoin, se lakohi muda ne'e tanba líder sira lakohi muda, balu dehan «tem que muda» «12 até 16», então tem que iha pedido ruma ba esclarecimento husi Casa Civil ne'e, ida-ne'ebé loos, tanba la significa buat ne'ebé hakerek iha-ne'e é perfeito, nada perfeito! Tanba ne'e mak husu to'ok, se concorda, concorda tanba hanesan ne'e! Tem que iha explicação clara, labele ita vota e sem certeza, votação ho certeza, la'ós votação iha situação duvidosa! Tanba ne'e mak ha'u rasik mós la hatene atu vota halo nu'usá.

Ha'u concorda, Presidente bele viagem ba fatin-fatin, tanba Presidente representa Estado, maibé tem que hatete mai katak buat ne'ebé loos ne'e loos.

Pronto, ha'u hanoin, ha'u fó uluk comentário ida-ne'e e ha'u mós concorda líderes bancadas, katak fó lai fatin rua, labele *borongan* de'it, tanba dala ruma iha klaran nia cancela tiha, cancela tiha, ita-nia voto arbiru de'it. Tanba ne'e ha'u concorda, maibé husu lai representante Presidente nian ou Chefe de Casa Civil, tem que esclarece assunto ne'e. Se líder bancada sira la convence ami, halo nu'usá?

Obrigado.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinto Deputado.

A seguir, distinto Deputado Duarte Nunes.

Faz favor.

Sr.<sup>a</sup> **Presidente** (Maria Terezinha da Silva Viegas): — Muito obrigada, distinto Deputado.

A seguir, distinto Deputado Duarte Nunes.

Faz favor.

Sr. **Duarte Nunes** (CNRT): — Obrigado, Presidente.

Boa tarde ba ita hotu.

Ha'u haree, pedido ne'e, tuir loloos autorização ba deslocação ida de'it, tanba husi 12 to'o 24 mak foin fila. Nia explicação atu bá iha ne'ebé-ne'ebé ne'e questão ketak, ne'e para convence Deputado sira, mas nia intenção ne'e husi 12 nia sai husi ne'e nia la fila ona, to'o dia 24 mak nia iha-ne'e fali. Se ita haree pedido rua ne'e, um dois ne'e, tanba assentimento ne'e ba 12 a 16, assentimento ida fali ba 17 a 24, mas Presidente sai to'o 24 mak nia fila, ne'ebe, haree redação didi'ak para ita vota ne'e vota ninia deslocação ida de'it. Nia explicação bá fatin ne'ebé-ne'ebé para convence Deputado sira katak nia bá duni em serbisu, *ok*, ne'e explicação. Mas deslocação ne'e ida de'it.

Ha'u-nia hanoin mak ne'e de'it.

Obrigado.

Sr.<sup>a</sup> **Presidente** (Maria Terezinha da Silva Viegas): — A seguir, distinto Deputado Joaquim dos Santos.

Faz favor.

Sr. **Joaquim dos Santos «Boraluli»** (FRETILIN): — Obrigado, Presidente.

Ha'u haree, ita-nia Presidente da República ne'e cadeira Presidente ne'e iha de'it avião leten. Ha'u haree, buat ne'e sério mak ne'e. Ita dehan «fó de'it, fó de'it, fó de'it!», fó ba! Presidente da República ninia cadeira iha Aitarak-Laran ne'e quase mamuk tinan tomak, começa sa'e Presidente, to'o ohin ita atu fó tan ona, nia sai hela de'it. Ita precisa hatene efeitos husi viagem sira-ne'e, despesa do Estado.

Liga ba serbisu diplomacia Ministério Negócios Estrangeiros ninian ne'e, efeitos ba ita-nia Governo nia obrigação ne'e saida iha cooperação? Sai dala hira osan hira mak tama mai Timor? Sai dala rua subsídio saida mak tama mai Timor ba ita-nia economia, ba ita-nia situação política? La'ós sai de'it, sai de'it, sai de'it. Povo hili nia ne'e atu tuur iha Aitarak-Laran, la'ós hili nia atu sa'e avião semo bá semo mai de'it. Ita iha obrigação, nia mós iha obrigação ba Estado ida-ne'e. Ita respeita ninia competências ne'ebé Constituição fó, Chefe de Estado, ne'e ita respeita, mas ita mós tem que hatene resultado husi ninia knaar sira-ne'e, bá visita ne'e.

Ida foin bá Jacarta ne'e resultado saida mai Timor? Visita privada, *okay*, privada, agora, visita oficial sira-ne'e pelo menos iha informação ruma mai Parlamento ne'e, katak visita ida-ne'e ninia efeitos políticos mak ne'e, económicos mak ne'e!

Ita agora enfrenta hela problema ida, Myanmar expulsa ita-nia Diplomata sira-ne'e, será que nia sai agora bele resolve problema ida-ne'e? Ka iha buat seluk karik, ita la hatene ne'e.

Obrigado.

Sr.<sup>a</sup> **Presidente** (Maria Terezinha da Silva Viegas): — Obrigada, distinto Deputado.

Hanesan ohin Presidente da Bancada do CNRT hato'ó, loloos ne'e ita halo resolução ida de'it ba duas viagens, mas, como iha-ne'e iha visita rua, tanba ne'e mak ita halo separada. Mas, nia intenção ne'e ida de'it, ne'ebe resolução rua nafatin.

Mós ba distinto Deputado Chefe da Bancada da FRETILIN nian kona-ba «prevista entre 12 e 16», ha'u hanoin, iha resolução ita-nian ne'e mak ita sei hakerek tuir ita-nia interpretação do pouco entendimento que temos, por exemplo, iha Resolução n.º 4, Havana, Cuba, «nos dias 12 a 16», orsida iha redação final mak assessor sira harmoniza tuir ita-nia entendimento ou entendimento do Parlamento em si.

Karik, ho nune'e ita procede ba votação.

Ba distintos Deputados ne'ebé vota a favor, contra e abstenção ba Projeto de Resolução n.º 4, faz favor.

*Deputado sira hala'ó votação ordinária.*

Obrigada.

*Hato'ó ona ba votação no hetan aprovação ho votos a favor 56, contra 0, abstenção 2.*

Ho nune'e Parlamento Nacional fó assentimento ba deslocação Presidente da República nian ba Havana, Cuba, entre os dia 12 e 16 de setembro ou do dia 12 a 16 de setembro, a partir do dia 12 a 16 de setembro.

Tuirmai, ita vota ba Projeto de Resolução n.º 5.

Ba distintos Deputados ne'ebé vota a favor, contra, e abstenção, faz favor.

*Deputado sira hala'ó votação ordinária.*

Obrigada.

*Hato'ó ona ba votação no hetan aprovação ho votos a favor 56, contra 0, abstenção 2.*

Ho nune'e, assentimento husi Parlamento Nacional ba deslocação Presidente da República nian a partir do dia 17 a 24 de setembro 2023 aprovada.



Tuirmai, ita tama ba Período da Ordem Dia, ponto n.º 3, «Votação do pedido de autorização para Sr.ª Deputada Maria Fernanda Lay prestar declarações na qualidade de testemunha em processo judicial».

Ba Comissão A, ha'u fó palavra.

Sr. **Presidente Comissão A** (Patrocínio Fernandes dos Reis): — Obrigado, Presidente do Parlamento Nacional ho Vice no Secretária sira, distinto e distinta Deputado e Deputada sira.

Comissão A cumpre despacho husi Mesa do Parlamento Nacional kona-ba notificação husi Parlamento Nacional ba autorização Presidente do Parlamento, Deputada Fernanda Lay, ne'e duni, Comissão A halo ona deliberação no rona ona Deputada e agora atu ható'o Relatório e Parecer ba Plenário hodi tetu no hola decisão.

Ne'ebe ha'u fó direta ba Secretário ou Relator atubele lê ita-nia Relatório e Parecer.

Se bele, lê de'it «Conclusão no recomendações».

Obrigado.

Sr. **Relator Comissão A** (Albino da Silva): — «...IV. Parecer

14. Em face do que bem dito antes, a Comissão de Assuntos Constitucionais e Justiça emite parecer no sentido de o Parlamento Nacional conceder autorização à Deputada Maria Fernanda Lay para prestar declarações na qualidade de testemunha no âmbito do processo civil “NUC.0205/22.CVTDD”, que corre termos no Tribunal Judicial de Primeira Instância de Díli.

15. Sem prejuízo de a própria Deputada fazer saber ao tribunal a sua pretensão quanto à forma de prestação do seu depoimento, o Parlamento Nacional delibera autorizá-la a depor como testemunha. No ofício em que comunicar o tribunal da sua decisão, poderá desde logo fazer constar a tal escolha da Deputada.

16. Foi o seguinte o resultado da votação do parecer: 8 votos a favor, 0 votos contra, 0 abstenções.

Díli, 17 de agosto de 2023.

O Relator,

Deputado Albino da Silva

O Presidente da Comissão,

Deputado Patrocínio Fernandes dos Reis».

Tenho lido.

Sr. **Presidente Comissão A** (Patrocínio Fernandes dos Reis): — Obrigado, Presidente do Parlamento Nacional.

Ami informa ba distinto Deputado sira katak ami pretende lê de'it «Parecer» ne'e tanba iha parte seluk-seluk ne'e contém de'it base legal sira kona-ba imunidade Deputado sira nian, e, iha parte seluk ko'alia kona-ba halo audiência ho Deputada, ami halo tiha ona audiência ho Deputada refere e nia disponível, tanba ne'e mak ami prefere lê de'it ninia «parecer».

Obrigado, ami fó filafali.

Sr.<sup>a</sup> **Presidente** (Maria Terezinha da Silva Viegas): — Obrigada, distinto Deputado Presidente da Comissão A.

Ho nune'e ita procede ba votação atu autoriza ka lae distinta Deputada Fernanda Lay atu fó depoimento, maibé por escrutínio secreto. Ne'ebe, Sr.<sup>a</sup> Secretária, halo favor halo leitura, chamada ba distinto Deputado sira atu hakat ba votação.

Distinta Deputada, halo favor halo chamada bá atu ba votação.

Sr.<sup>a</sup> **I Vice-Secretária da Mesa** (Bendita Moniz Magno): — Obrigada, Presidente.

1. Sr.<sup>a</sup> Deputada Maria Fernanda Lay (CNRT), ausente.
2. Sr.<sup>a</sup> Deputada Maria Terezinha da Silva Viegas (CNRT).
3. Sr. Deputado Alexandrino Afonso Nunes (PD).
4. Sr.<sup>a</sup> Deputada Virgínia Ana Belo (CNRT), ausente.
5. Sr.<sup>a</sup> Deputada Maria Teresa da Silva Gusmão (PD).
6. Sr.<sup>a</sup> Deputada Bendita Moniz Magno (CNRT).
7. Sr. Deputado Domingos Augusto «Deker» (CNRT).
8. Sr.<sup>a</sup> Deputada Lúcia Taeki (CNRT).
9. Sr. Deputado Duarte Nunes (CNRT).
10. Sr. Deputado Marcos Soares Martins (CNRT).
11. Sr. Deputado José Virgílio R. Ferreira (CNRT).
12. Sr. Deputado Luís Ximenes Caldeira (CNRT).
13. Sr.<sup>a</sup> Deputada Maria Rosa da Câmara «Bisoi» (CNRT).
14. Sr. Deputado Leandro Lobato (CNRT).
15. Sr. Deputado Marcos Xavier (CNRT), ausente.
16. Sr. Deputado Óscar de Araújo (CNRT).
17. Sr. Deputado Fermínio Taequi (CNRT).
18. Sr.<sup>a</sup> Deputada Veneranda E. M. Lemos Martins (CNRT).
19. Sr. Deputado Natalino dos Santos Nascimento (CNRT).

20. Sr. Deputado Romeu Moisés (CNRT).
21. Sr. Deputado Gabriel Soares (CNRT).
22. Sr. Deputado Saul Salvador H. J. Amaral (CNRT).
23. Sr.<sup>a</sup> Deputada Maria Gorumali Barreto (CNRT).
24. Sr. Deputado Patrocínio Fernandes dos Reis (CNRT).
25. Sr. Deputado Virgílio Pereira (CNRT).
26. Sr.<sup>a</sup> Deputada Cedelízia Faria dos Santos (CNRT).
27. Sr. Deputado Francisco da Costa «Ikulay» (CNRT).
28. Sr. Deputado Albino da Silva (CNRT).
29. Sr.<sup>a</sup> Deputada Carminda Carlota (CNRT).
30. Sr. Deputado Ricardo Batista (CNRT).
31. Sr. Deputado Anacleto Freitas (CNRT);
32. Sr.<sup>a</sup> Deputada Aliança da Conceição Araújo (CNRT).
33. Sr. Deputado Mateus da Cruz de Carvalho (CNRT).
34. Sr. Deputado Armando dos Santos Lopes (PD).
35. Sr. Deputado António da Conceição «Kalohan» (PD), ausente.
36. Sr. Deputado Manuel Henrique Noronha (PD).
37. Sr.<sup>a</sup> Deputada Sancha Margarida Tilman (PD).
38. Sr. Deputado Antoninho Doutel Sarmento (FRETILIN)
39. Sr.<sup>a</sup> Deputada Sância Florência Paixão Bano (FRETILIN).
40. Sr.<sup>a</sup> Deputada Maria Angélica Rangel dos Reis (FRETILIN).
41. Sr. Deputado Dário Madeira (FRETILIN).
42. Sr. Deputado Aniceto Longuinhas Guterres Lopes (FRETILIN).
43. Sr.<sup>a</sup> Deputada Lídia Norberta dos Santos Martins (FRETILIN).
44. Sr. Deputado Antoninho Bianco (FRETILIN).
45. Sr. Deputado David Dias Ximenes «Mandati» (FRETILIN).
46. Sr.<sup>a</sup> Deputada Helena Martins Belo (FRETILIN).
47. Sr. Deputado Joaquim dos Santos «Boraluli» (FRETILIN).
48. Sr. Deputado António Moniz Calau (FRETILIN).
49. Sr.<sup>a</sup> Deputada Maria Ana Bela Sávio (FRETILIN).
50. Sr.<sup>a</sup> Deputada Nurima Ribeiro Alkatiri (FRETILIN).
51. Sr. Deputado José da Cruz (FRETILIN).
52. Sr.<sup>a</sup> Deputada Cristina Yuri Rebelo dos Santos Costa (FRETILIN).
53. Sr. Deputado Abílio Quintão Pinto (FRETILIN).
54. Sr. Deputado Florentino Ximenes da Costa «Sinarai» (FRETILIN).

55. Sr.<sup>a</sup> Deputada Mariquita Soares (FRETILIN).
56. Sr. Deputado Óscar Lima (FRETILIN), ausente.
57. Sr.<sup>a</sup> Deputada Irene Gonzaga Sarmiento (KHUNTO), ausente.
58. Sr. Deputado António Verdial de Sousa (KHUNTO).
59. Sr. Deputado António Verdial da Silva Ferreira (KHUNTO), ausente.
60. Sr.<sup>a</sup> Deputada Olinda Guterres (KHUNTO).
61. Sr. Deputado Luís Roberto da Silva (KHUNTO).
62. Sr. Deputado Abel dos Santos (PLP).
63. Sr. Deputado Hélder Freitas «Kamarudin» (PLP).
64. Sr.<sup>a</sup> Deputada Maria Angelina Lopes Sarmiento (PLP).
65. Sr. Deputado Adolfo Martins (PLP)».

Sr.<sup>a</sup> **Presidente** (Maria Terezinha da Silva Viegas): — Ita conclui ona ita-nia votação.

Ha'u husu ba distinta Secretária e Vice-Secretária na'in-rua atu halo escrutínio ba contagem de voto.

Halo favor.

*Técnico sira husi divisão DIPLEN, Quintiliano Ase no João Guterres, halo contagem ba resultado votação nian.*

*Hato'o ona ba votação liuhusi escrutínio secreto no hetan aprovação ho votos a favor 53, contra 2, abstenção 1 no votos em branco 2.*

Total dos Deputados presentes hamutuk 58. Ho nune'e pedido de autorização atu presta como testemunha, maibé ho prerrogativa ida atu depor por escrito, fica autorizado. Ita hein husi Tribunal nia perguntas atu Deputada Fernanda Lay presta nia testemunha.

Molok ita atu ba agenda n.º 4, ha'u informa hela ba distinto Deputado sira katak husi Divisão de Redação, Transcrição, Audiovisual e Documentação, distribui ona iha distinto Deputado sira-nia mesa leten, karik iha Deputado balu ne'ebé intervém, atu halo correção ba linguagem ka liafuan ne'ebé escrita iha *Jornal* ne'ebé atu pública. Distribui horisehik, nune'e data limite de entrega mak 11 de setembro, atu nune'e Deputado sira bele entrega a tempo hodi sira husi divisão DIRTRAD nian bele halo correção antes ita haruka ba publicação.

Tuirmai, molok atu tama ba agenda n.º 4 nian, ha'u aproveita informa kedas katak aban é feriado.

No mós ita sei iha acolhimento conforme concordância husi reunião líderes das bancadas iha semana kotuk. Em princípio, início iha 31 e dia 1, maibé ita altera filafali ba dia 4 e 5 de setembro.

Maibé, hanesan ho conhecimento chefe da bancada sira hotu katak ita iha convidados nacionais e internacionais, ita hanoin, em princípio ne'e ba dia 4 e 5 de setembro, maibé infelizmente ita-nia convidados husi Indonésia nian ne'ebé sei marca presença, disponível ou já está tudo programado ba nia vinda ou nia chegada iha dia 31 de agosto, ho nune'e, ita inicia ita-nia acolhimento ne'e iha dia 31 de agosto.

Husu ba Deputados reeleitos no Deputado foun sira-nia presença, liuliu iha abertura ne'e, tanba ita-nia colega Deputado ida husi Indonésia ne'e uma pessoa importante mós, liu-liu nia lidera grupo ba relações internacionais nian. Ne'ebe ho devido respeito, ha'u husu ba distinto Deputado sira hotu, liuliu iha sessão de abertura ne'e, maibé iha atividade e programa ne'e, tuirmai husi Secretário-Geral ou Secretariado do Parlamento Nacional sei providencia para além da agenda no mós iha convite sei hato'o ba Deputado sira-nia mesa leten.

Ho nune'e ha'u fó ba distinta Deputada Secretária da Mesa atu halo leitura só a carta de submissão e declaração de aceitação. No ha'u aproveita atu hato'o mós katak iha conferência dos líderes das bancadas liubá, depois da reunião, ha'u simu mós submissão carta ida husi Bancada da FRETILIN relaciona ho candidato ne'ebé atu propõe ba Comissão da Função Pública.

Infelizmente, ha'u indefere carta ne'e tanba já foi fora do prazo. O prazo foi encerrado no dia 21 de agosto, de maneira que o outro candidato que foi proposto pela Bancada da FRETILIN fica para a próxima oportunidade, ne'ebe sei iha candidato ida-ne'ebé husi Parlamento elege, nia data sei termina iha tinan oin, salvo erro, iha fulan-março.

Ho nune'e, ha'u fó ba Sr.<sup>a</sup> Secretária da Mesa, ho permissão Plenária nian, atu halo leitura ba carta ne'ebé hato'o husi Bancada do CNRT.

Faz favor.

Sr.<sup>a</sup> **I Vice-Secretaria da Mesa** (Bendita Moniz Magno): — Obrigada, Sr.<sup>a</sup> Presidente.

«N.º de Referência 103/BCD/P. CNRT/VIII/2023

Data, 9 de agosto de 2023.

Hato'o ba : S. Ex.<sup>a</sup> Presidente Parlamento Nacional.

Assunto : Submete naran candidato ba Comissário Comissão Função Pública husi Bancada CNRT.

Excelência,

Liuhusi carta ida-ne'e, Bancada Parlamentar CNRT mai submete naran candidato ba Comissário ba Comissão Função Pública, ho identidade hanesan tuirmai ne'e;

Naran : Agapito da Conceição

Fatin moris : Lospalos, 17 de julho de 1968  
N.º Cartão Eleitoral : 000481874  
N.º Telefone : 77305234

Informação detalhada kona-ba candidato, bele haree iha Curriculum Vitae, anexa iha kotuk.  
Mak ne'e de'it, ba atenção ho colaboração, ami hato'o obrigado wa'in.

Deputado Duarte Nunes,

Presidente da Bancada do CNRT, Parlamento Nacional».

«Declaração aceitação ba candidato

Baseia ba critério no requisito sira ba nomeação Comissário Comissão Função Pública, artigo 9.º Lei n.º 7/2019, lora 15 fulan-julho, criação Comissão Função Pública, ha'u, Agapito da Conceição, declara katak aceita ba candidato ba Comissário Comissão Função Pública, husi Bancada CNRT iha Parlamento Nacional.

Ha'u, ho naran completo Agapito da Conceição, profissão nu'udar funcionário público iha Comissão Função Pública, ho ha'u-nia habilidade sira-ne'ebé descreve ona iha *Curriculum Vitae* iha anexo, declara katak ha'u cumpre critério elegibilidade sira-ne'ebé prevê ona iha diploma legal ne'ebé temi ona iha leten no manifesta ha'u-nia disponibilidade no aceitação ba candidato ba Comissário Comissão Função Pública, tuir proposta no orientação partido nian.

Mak ne'e de'it ha'u-nia declaração aceitação ba candidato, ha'u disposto iha qualquer momento ba esclarecimento ruma kona-ba ha'u-nia candidato.

Melhores cumprimentos.

Díli, 9 de agosto de 2023

Agapito da Conceição».

Obrigada.

Sr.<sup>a</sup> **Presidente** (Maria Terezinha da Silva Viegas): — Ho nune'e, la iha objeção husi Plenária, ita procede ba eleição. Ha'u fó ba Sr.<sup>a</sup> Secretária da Mesa halo chamada ba votação.

Sr.<sup>a</sup> **I Vice-Secretária** (Bendita Moniz Magno): — Obrigada, Sr.<sup>a</sup> Presidente.

«1. Sr.<sup>a</sup> Deputada Maria Fernanda Lay (CNRT), ausente.

2. Sr.<sup>a</sup> Deputada Maria Terezinha da Silva Viegas (CNRT).

3. Sr. Deputado Alexandrino Afonso Nunes (PD).

4. Sr.<sup>a</sup> Deputada Virgínia Ana Belo (CNRT), ausente.

5. Sr.<sup>a</sup> Deputada Maria Teresa da Silva Gusmão (PD).

6. Sr.<sup>a</sup> Deputada Bendita Moniz Magno (CNRT).
7. Sr. Deputado Domingos Augusto “Deker” (CNRT).
8. Sr.<sup>a</sup> Deputada Lúcia Taeki (CNRT).
9. Sr. Deputado Duarte Nunes (CNRT).
10. Sr. Deputado Marcos Soares Martins (CNRT).
11. Sr. Deputado José Virgílio R. Ferreira (CNRT).
12. Sr. Deputado Luís Ximenes Caldeira (CNRT).
13. Sr.<sup>a</sup> Deputada Maria Rosa da Câmara “Bisoi” (CNRT).
14. Sr. Deputado Leandro Lobato (CNRT).
15. Sr. Deputado Marcos Xavier (CNRT), ausente.
16. Sr. Deputado Óscar de Araújo (CNRT).
17. Sr. Deputado Fermínio Taequi (CNRT).
18. Sr.<sup>a</sup> Deputada Veneranda E. M. Lemos Martins (CNRT).
19. Sr. Deputado Natalino dos Santos Nascimento (CNRT).
20. Sr. Deputado Romeu Moisés (CNRT).
21. Sr. Deputado Gabriel Soares (CNRT).
22. Sr. Deputado Saul Salvador H. J. Amaral (CNRT).
23. Sr.<sup>a</sup> Deputada Maria Gorumali Barreto (CNRT).
24. Sr. Deputado Patrocínio Fernandes dos Reis (CNRT).
25. Sr. Deputado Virgílio Pereira (CNRT).
26. Sr.<sup>a</sup> Deputada Cedelízia Faria dos Santos (CNRT).
27. Sr. Deputado Francisco da Costa “Ikulay” (CNRT).
28. Sr. Deputado Albino da Silva (CNRT).
29. Sr.<sup>a</sup> Deputada Carminda Carlota (CNRT).
30. Sr. Deputado Ricardo Batista (CNRT).
31. Sr. Deputado Anacleto Freitas (CNRT);
32. Sr.<sup>a</sup> Deputada Aliança da Conceição Araújo (CNRT).
33. Sr. Deputado Mateus da Cruz de Carvalho (CNRT).
34. Sr. Deputado Armando dos Santos Lopes (PD).
35. Sr. Deputado António da Conceição “Kalohan” (PD), ausente.
36. Sr. Deputado Manuel Henrique Noronha (PD).
37. Sr.<sup>a</sup> Deputada Sancha Margarida Tilman (PD).
38. Sr. Deputado Antoninho Doutel Sarmento (FRETILIN)
39. Sr.<sup>a</sup> Deputada Sância Florência Paixão Bano (FRETILIN).
40. Sr.<sup>a</sup> Deputada Maria Angélica Rangel dos Reis (FRETILIN).

41. Sr. Deputado Dário Madeira (FRETILIN).
42. Sr. Deputado Aniceto Longuinhos Guterres Lopes (FRETILIN).
43. Sr.<sup>a</sup> Deputada Lúcia Norberta dos Santos Martins (FRETILIN).
44. Sr. Deputado Antoninho Bianco (FRETILIN).
45. Sr. Deputado David Dias Ximenes “Mandati” (FRETILIN).
46. Sr.<sup>a</sup> Deputada Helena Martins Belo (FRETILIN).
47. Sr. Deputado Joaquim dos Santos “Boraluli” (FRETILIN).
48. Sr. Deputado António Moniz Calau (FRETILIN).
49. Sr.<sup>a</sup> Deputada Maria Ana Bela Sávio (FRETILIN).
50. Sr.<sup>a</sup> Deputada Nurima Ribeiro Alkatiri (FRETILIN).
51. Sr. Deputado José da Cruz (FRETILIN).
52. Sr.<sup>a</sup> Deputada Cristina Yuri Rebelo dos Santos Costa (FRETILIN).
53. Sr. Deputado Abílio Quintão Pinto (FRETILIN).
54. Sr. Deputado Florentino Ximenes da Costa “Sinarai” (FRETILIN).
55. Sr.<sup>a</sup> Deputada Mariquita Soares (FRETILIN).
56. Sr. Deputado Óscar Lima (FRETILIN), ausente.
57. Sr.<sup>a</sup> Deputada Irene Gonzaga Sarmiento (KHUNTO), ausente.
58. Sr. Deputado António Verdial de Sousa (KHUNTO).
59. Sr. Deputado António Verdial da Silva Ferreira (KHUNTO), ausente.
60. Sr.<sup>a</sup> Deputada Olinda Guterres (KHUNTO).
61. Sr. Deputado Luís Roberto da Silva (KHUNTO).
62. Sr. Deputado Abel dos Santos (PLP).
63. Sr. Deputado Hélder Freitas “Kamarudin” (PLP).
64. Sr.<sup>a</sup> Deputada Maria Angelina Lopes Sarmiento (PLP).
65. Sr. Deputado Adolfo Martins (PLP)».

Sr.<sup>a</sup> **Presidente** (Maria Terezinha da Silva Viegas): — Husu ba distinta na'in-rua atu hola fatin hodi escrutina contagem de votos. Se fazem favor, distintas Deputadas Vice-Secretárias.

*Técnico sira husi divisão DIPLIN, Quintiliano Ase no João Guterres, halo contagem ba resultado votação nian.*

*Hato'ona ba votação liuhusi escrutínio secreto no hetan aprovação ho votos a favor 48, contra 2, abstenção 7, voto em branco 1.*



Ho nune'e, membro da Comissão da Função Pública eleito husi Parlamento ita completa ona ho resultado dos votos 48, quórum 58, Comissário Agapito da Conceição.

Molok atu termina ita-nia sessão ba loron ohin nian, ha'u hakarak aproveita informa hikas fali ba Deputado sira, documento ne'ebé ohin hato'o tiha ona iha Deputado sira-nia Mesa leten, liuliu ba Deputado interveniente sira, karik iha correção ruma ba escrita ne'ebé hato'o husi DIRTRAD ninian, favor ida halo correção ba, karik hakerek la loos ou la tuir saida mak Deputado sira foti iha Plenária ida-ne'e. Data atu submete hikas fali mak mais tardar dia 11 de setembro.

Mós, aproveita atu hato'o katak embora husi Secretariado fahe tiha convite ba Deputado sira ba acolhimento dia 31 e dia 4, ha'u hakarak hato'o mós katak acolhimento ou seminário ne'e sei hala'o ka realiza iha ita-nia fatin, Parlamento Nacional. Para além de mais adequado ba ita, em vez de ita bá fali fatin seluk, ita decide realiza de'it iha Parlamento Nacional ba dia 31 e dia 4. Dia 1 intervalo, não só para intervalo mas, sim, dia 1 ha'u sei informa ba líder bancada sira ita sei iha reunião líder bancada molok ita atu ba ... Líder bancada ba dia 1 nian atu antecipa ita-nia sessão plenário a seguir.

Mós informa katak ita sei la iha abertura formal ba ita-nia I Sessão Legislativa, tanba ita-nia Presidente da República ausente. Iha abertura sessão solene ita-nian ne'e normalmente Presidente da República sei hato'o Mensagem de Estado ba Nação tomak, maibé, infelizmente Presidente da República ausente, ho nune'e iha reunião líderes bancadas iha dia 25 liubá, líder bancada sira hotu-hotu concorda katak ita sei la iha sessão solene, ne'ebé sei monu iha dia 15 de setembro. Infelizmente, ita sei la realiza, ho nune'e abertura ne'ebé ita hala'o tiha ona iha dia 22 de junho prevalece ba sessão legislativa ida-ne'e.

Ikusliu, ha'u atu hato'o, ha'u husu atenção ba Secretariado atu haree gaveta de todos os distintos Deputados tanba balu iha chave, balu la iha chave, atu nune'e bele ajuda Deputado sira, karik documento balu ne'ebé importante, em vez de sira lori bá uma, fica guardado na sua gaveta, mas tem que ter a chave. Ne'e la'ós primeira vez, salvo erro, mas já duas ou três vezes Deputado sira foti iha Plenária ida-ne'e, ho nune'e ha'u husu ba Secretariado atu tau atenção ba pedido ka solicitação ne'ebé hato'o husi distinto Deputado sira.

Agenda ba colhimento ha'u husu ba Secretariado atu fahe ona ba distinto Deputado sira tanba aban, tendo em conta dia nacional, dia de férias, ho nune'e, karik Deputado sira sei comparece fali ne'e iha quinta-feira dia 31, e mós ita-nia sessão ne'e sei hahú hanesan baibain, 9h00 ita regista, 9h30 ita hahú loke ita-nia seminário.

Ho nune'e, dala ida tan ha'u agradece tebes ba distintos Deputados hotu nia paciência ne'ebé permanece até esta hora, já quase 2h00. Ha'u husu desculpa e mós agradece ba hotu-hotu nia paciência.

Mós desejo bom almoço ba hotu-hotu, boas ferias – não é bem férias, mas, sim descanso, para depois amanhã retomar.

Importante mós aban ne'e ita iha férias tanba dia 30 de Agosto, loron ida-ne'ebé comemora ita-nia loron ba libertação, ba ita restaura hikas fali ita-nia Independência, ho nune'e parabéns ba ita hotu, parabéns ba Povo Timor-Leste.

Bom almoço ba distinto Deputado sira hotu no mós bom descanso.  
Muito obrigado.

*Horas hatudu tuku 3 liu minuto 36 loraik.*